



處州府志

ル 5
1573
8



門 11 呂 5
卷 1379
8



處州府志卷之八

處州府知府元和潘紹詒重修

祠祀志

明有禮樂幽有鬼神故治道先成民而後致力於神
未有慢神而能治民者是故和風甘雨民所望也山
陵川谷民所取材用也社祀五土稷祀五穀民所以
厚其生也崇德報功徧於羣祀其有不在祀典而民
間崇奉久歷年所則有舉莫廢亦附列焉承其事者
尚其凜鑒觀之赫而敷神惠求民瘼哉志祠祀

麗水縣

先農壇 在巖泉門外

國朝雍正五年知縣郭朝端奉文建并置藉田四畝九分咸豐八年匪燬同治五年知府清安請帑建復

社稷壇 在通惠門外麗水附府省

風雲雷雨山川壇 在南明門外溪南里許

厲壇 在北郊二里

先師廟

名宦祠

鄉賢祠 俱詳學校

忠義祠

節孝祠

國朝雍正五年知縣郭朝端奉文建並詳學校始在行春門內溪頭莊後壞於水乾隆中縣人錢元炆改建

今地

關帝廟 在圭山明萬曆四十二年建

國朝雍正六年知府姚鈴更新之查法喜廢寺田七十畝給住僧供香火修葺咸豐十一年燬於寇同治

六年知府清安請帑重建案關帝文昌諸廟鄉里多

所餘不備及

文昌廟 在圭山明萬曆二十二年知府任可容通判

慶州府志 卷之八
文似韓建

國朝乾隆間別建於府學東南規模宏敞春秋祀事率集於此咸豐十一年經兵燹鞠爲茂草同治七年知府清安重建嗣形家言向在圭山者文運攸關十二年知府潘紹詒卽於圭山舊址籌款建復是年縉雲有登魁選者踰年捷南宮

純陽廟 在法海寺前

國朝嘉慶十一年奉文建始在圭山之西十七年徙今地同治六年知府清安重建

天后宮 一在縣治南

國朝乾隆十八年奉文建春秋致祭一在縣西四十里碧湖經兵燹傾圮同治十一年縣丞董任穀率董林萃英沈毓彥闕賡颺賡華集貲重脩一在縣南五十五里大港頭

府城隍廟 城東南圍山下邑廟左舊在分守道東明嘉靖三十六年知府高超改建今址屢有修葺咸豐十一年匪燬同治八年知府清安籌捐議建甫興工以憂去九年署知府馮譽驄督催建造十年今郡守潘紹詒接續經理十二年工竣

城隍廟 在圭山南麓向無祠宇附神位於郡廟

國朝乾隆二十一年知縣陳豎翔建嘉慶五年壞於水
八年知縣張吉安重修道光十九年邑人擴基重建
至二十五年知縣張銑督率竣工崇開華棖頗稱鉅
麗經兵燹梁棟傾圮光緒元年知縣彭潤章籌捐重
修不啻前此之宏整矣

麗陽廟 在城北十里初名白塔廟唐大中四年州守
徐郛改今名有宋郡守葉武子奏免浮財物力碑其
陰刻元至大中修廟記又有至順三年加封神號及
至正十四年危素碑俱詳栝蒼金石志
張蟠麗陽廟
記古麗陽廟
即白塔廟山頂舊有浮圖故取名焉雖至窘湫禱之
罔不響應大中四年今齊州刺史徐公郛理處屬亢

陽徧祈山川罔有徵驗躬酌此廟雨乃隨車公以邑
有麗陽溪廟居其後遂改麗陽廟八年冬天水姜公
肅委知軍州事與麗水令榮陽鄭公全察相顧言曰
郡邑無事山廟可完春三月乃請郡虞侯樂安汪漢
藩審勢於舊廟之西而新殿焉正位麗陽王乃北山
之神左則白塔王斯土地之主右則巨潭王乃北沼
之靈也夏五月十五日郡邑官僚鄉里耆舊列筵以
落之載通志萬歷續處州府志嘉靖間知府董得朋
置田一頃一畝以供祭事萬歷十七年知府郭宗盤
因變賣寺田遂併廢之至二十一年同知陳其志始
復其舊李詔麗陽廟祭田記麗陽之神載在祀典
粵自唐宋以入我朝歷八百餘年有欽給香燭無祭
田郡守東莊董公郡佐定齋梁公暨郡邑諸大夫後
先相繼置田百一畝屬邑父老治祭儀以供歲事邇
年閩中郭公守栝籍寺田租入為公帑而麗陽祭田
亦在收列祀事闕修屢矣會連歲旱瘠疫癘道殣不
收郭公入計行郡佐安陸陳公攝篆民自其事陳公
撫然曰寺田初由官給寺廢則租可收祭田出自人
供神存則祭不可廢也遂檄縣復田於廟聽民歲時
告虔民大歡悅欲徵言以垂不朽余惟神捍災恤患

禮宜報祀歷朝符敕碑記班班可考余何庸贅但述
復田始末以垂永久云 栝蒼彙紀宋紹定戊子六
月二日郡守高似孫持香麗陽祠至第二殿有龍見
扇上初如飛螢熠燿俄成青金色長出扇外頃又化
五色晶采異常羣目驚悚 高似孫麗陽廟紀異詩
曉拜麗陽峯輕烟鎖亂松一香通有象五色化成龍
但只飛靈雨須教慰老農平生知己處神獨最於儂
栝蒼彙紀麗水麗陽山相傳每歲六月既望夜林
壑間有燈若人往來迎送節判朱天民見而異之今
居民凡六月二十八夜盡燃燈祀神 朱天民神燈
詩昔聞長老說北山有神燈六月神初度邑人競高
登夜深猶聞寂歛復見峻嶒雪煜煥珠采點綴橫玉
繩漸漸出陰壑一度蒼藤乍明乃倏晦此沒復彼
與光中若有人前後相參承久久始散去各自為儕
朋我習聞此語所恨見未曾竭來默致禱祥光俄相
應體大赤杲日中瑩融清冰夫豈一寸腸信足通幽
冥再拜語燈火
照我心淵澄

龍神祠 在縣治西麗陽行祠後

國朝嘉慶十三年知府方維祺建咸豐八年遭匪蹂躪

僅遺基址同治十年夏旱今郡守潘紹詒齋沐步禱

得雨願新之越日大雨歲仍稔遂倡捐廉五百金率

董勳建焉

三皇廟 在圭山西麓

案元黃文獻集三皇廟記唐天寶間三皇始有廟天下都邑咸

得通祀云云麗邑之廟不知所自始今俗呼為藥王廟

詹南二司馬廟 在城西五十里松陽境內祀梁開通

濟渠二司馬今俗改為白龍廟以二司馬附關景暉詹南二

司馬廟記麗水十縣皆並山為田常患水不足縣西五十里有堰曰通濟障松陽遂昌兩溪之水別為大川分為四十八派析流畎澮注民田二千頃又以餘水瀦為湖以備溪水之不及自是歲雖凶而常豐元

祐王申堰壞命尉姚希治之明年帥郡官往視成功有廟曰詹南二司馬不知其誰詢諸故老謂梁有司馬詹氏始謀為堰而請於朝又遣司馬南氏共治其事是歲溪水暴悍功久不就一日有老人指之日過溪遇異物即營其地果見白蛇自山繞溪北營之始就明道中碑刻尚存云

武肅廟 在縣西三十里九龍村祀吳越王錢鏐

惠應廟 在城北二十里甘泉墩神姓金佚其名有宋

嘉定八年賜額敕牒碑敕牒碑陰記金端公廟父老相傳唐末山賊劫掠為國勤

兵至麗水縣二十五都武婆嶺沒於王事累顯神蹟云云餘多剝蝕

靈應廟 在城北三十里浯溪神姓葉佚其名有元至

正六年碑林似祖靈應廟記葉侯生唐僖宗朝旅力絕倫里有毒蛇薦食畜產且傷人侯帥其

鄉井賴完宋濬祐二年進士潘檜始創廟宇皇元混

一命正一真人留國公得以符誥封鬼神皇慶王子鄉人狀神功惠以聞封廣福威烈侯長子助靈將軍次昭顯將軍廟號靈應

彭城廟 在城南十里下劉神姓劉佚其名有元大德

元年碑鄭桂高碑記咸淳十年處州狀彭城三神伯父二姪以次發靈民蒙惠利明年牒建德府

僚來覈又明年皇元命神靈滋不可揜爰作新廟云云

秦淮海祠 在萬象山乾隆六年溫處道秦瀛摹像并

宋元祐三年除太學博士敕勒石蓮城書院嘉慶元

年知府修仁移建於此咸豐十一年燬於粵匪同治

七年崇福寺僧正一募緣重建秦瀛書淮海先生除太學博士敕碑後乾

隆五十八年冬十二月瀛以戶部郎中出為溫處兵備道處之姜山為宋酒稅局始祖淮海先生謫監郡

酒稅時居此又青田縣有慈仁院者先生昔訪曇法師於官滿作詩留別院僧繪像立祠嘉泰間郡守胡澄取先生像未幾瀛遷杭嘉湖道去今年秋諡諸處亦無先生像未幾瀛遷杭嘉湖道去今年秋諡諸處州守伊君湯安將於郡城之圭山蓮城書院設先生位以存祠祀會族祖雲錦來杭州詠瀛所藏先生小像又元祐三年除太學博士校正秘書省書籍救一通瀛敬謹重摹勒石屬伊君嵌置蓮城書院之壁案先生除博士由蘇文忠公之薦其後俱以黨禍被謫先生始以國史院編修判杭旋貶處州且由處轉徙嶺海歿於藤州之華光亭瀛監司浙東既過先生所嘗監稅處今官於杭杭之天竺龍井皆有先生遺蹟徘徊瞻仰抑亦有厚幸矣無錫裔孫瀛謹識於武林官舍時乾隆六十年十一月既望後一日秦瀛處州萬象山淮海先生祠堂記處州故余遠祖淮海先生監酒稅處也先生在處時嘗訪曇法師於慈仁院既去院僧繪像立祠具載處州府志今祠廢而像亦不可考乾隆癸丑冬瀛奉天子命備兵溫處將欲重建祠而遽以遷調去乙卯冬始自杭州刻先生像移奉處州圭山之蓮城書院又閱一年杭郡丞修君

奉檄權處州事將行來謁別余語及之修君莅處以書來諭曰書院地故秋隘不克稱有萬象山者故郡城最高處其上為崇福寺極爽塏今以寺中之東偏三楹重加勦堊設神龕奉先生像祀焉祀之日自郡大夫以下及處之士民咸往瞻拜如禮此處州萬象山之所由有先生祠也瀛惟先生少負經世畧彊志盛氣好談兵為蘇文忠公所賞既而不敢於世迺意託之於文章迨坐黨籍出倅杭州言者論其增損實錄橫罹貶謫監酒稅於此而小人承望風指猶未已卒以謁告寫佛書削先生秩遷徙嶺海易曰君子得輿小人剝廬君子小人之進退剝復係乎國家之治忽宋自黨禍興而神州陸沈後世士君子過先生祠所當太息痛恨於紹聖之已事也顧當時之禍先生者其骨已朽而先生及諸君子之名至今猶在天壤亦可見小人之禍君子無往不福君子小人之智適成爲小人之愚已矣而先生蹤蹟所至官於其地者無不爲之流連感慕况又爲其子孫如瀛者與瀛往來處州未至萬象山聞其地俯臨城郭近挹溪光望之若圖畫蓋枯蒼一郡之勝而無與姜山近卽宋時酒稅局先生之靈其憑依於是無疑也修君名仁

漢軍鑲藍旗人由舉人出為知縣遷杭州府總捕同知今署處州府知府祠之成緊君成之麗水縣知縣常熟邵培德處州府教授海甯張駿麗水縣典史無錫侯寶樹並襄其事例得具書時嘉慶元年丙辰十月望前五日張吉安詩僉判杭州到梧州官因二月望前五日張吉安詩僉判杭州到梧州官因詩誦也風流我來七百餘年後山抹微雲正晚秋鶯花亭子幾春風一臥圓庵百慮空才子回頭都是佛而今彌勒一龕同董旂詩醉卧藤陰夢正長炎風吹淚又蠻鄉微雲蕩寫詞人句衰草空迴學士腸到眼魚豚皆別恨驚心鼓角易斜陽一龕今與彌陀共不負當年燕辦香吳世涵萬象山謁秦淮海先生祠詩塵絲黯淡胥烏紗酒監風流亦可嗟野寺有僧猶竹柏荒亭無主更鶯花高才幾輩登卿相黨禍千秋誤國家太息蘇門諸俊彥誰令飄泊在天涯

五賢祠 在府學東初祀宋孫沔黃葆光吳鉞後增王之望王信為五賢云

案沔葆光之望為長官鉞信為鄉人結為五賢未曉其義宋史云之望紹興中為處州教授舊志不載後力主和議割地啖敵人無足重然史稱其有文藝幹畧則為教

授時曾有治績也王信明一統志作王公信誤

忠節祠 在釋山儒學南宋建炎初建祀太原府孟縣

主簿祝公明忠翊郎姜綬義士章雲就知雍州詹友

四人並靖康建炎間死難者也紹定中郡守高似孫

修之案祠始在九盤嶺舊郡治旁後郡治徙祠遂廢

建碑浙江通志謂祠址失考未見碑耳碑多殘缺其叙四賢有名良臣者良上闕一字未悉其異同之故高似孫忠節祠記似孫守栢兩載一日小孫彭夢神人曰我太原孟縣義烈祝公也姜官師也章少傳也詹光祿也一屋荒寂西亞角樓雲馬風車謝守振拔者魚魚聞我慕焉幸為敢太守彭曉白其事乃謁以香四公名稱宛與夢合即上奏願賜旌額肖像而奉之竊惟天之為人之為人同一清明其生為忠臣為義士死亦如之耿亮湛澹直可以配天諸公皆以罵賊不屈於刀鋸報之者嗇有國者所當盡其

義為人臣者不當辭其責予歸矣
稍刊其意以告後之垂意於斯者

清風祠 在縣治南宋嘉熙間郡守馬光祖建祀數文

閣待制間邱昕青田洪師中有記

開國元勳祠 在富山明嘉靖中知府潘潤建祀誠意

伯劉基

國朝咸豐十一年粵匪踞城祠燬無存同治六年青田

裔孫廷梁等重建 潘潤請建祠檔案禮部為崇元勳

本部送禮科抄出浙江處州府知府潘潤一本洪惟

我太祖高皇帝龍飛淮甸奄有大業當時佐命諸臣

奉行天討削平僭亂者有徐達湯和輩而運籌帷幄

者惟劉基一人太祖嘗敬禮之而不名每曰吾子房

也所以待之者至矣厥後徐達之子輝祖襲封公爵

世代相承劉基之孫廌襲封誠意伯自廌後不傳景

泰間欽取基七世孫劉祿授翰林院五經博士天順

元年劉祿奏請立祠詔下有司營建於基原籍青田

縣然五經博士之襲似未愜然有懷未吐嘉靖五年

六月臣承命知處州府事值公幹至青田謁誠意伯

祠見規模卑隘及詢儀物亦不加隆其孫劉瑜現襲

處州衛指揮使臣思祖之報賞也論功錫予權衡

不爽奈何歷世未遠而事體頓殊徐達子孫輝映百

年無異基襲蔭僅一指揮祭祀率多簡畧科給事中

天之靈不欲止於此也查宏治十五年梁宸謹奉欽

臣吳仕偉請建祠於城前知府臣梁宸謹等死

依事理置地於星華鋪尚未建立臣不忍緘默於

上陳伏乞皇上敕禮部查照徐達湯和等使民

孫稍加爵秩祠宇稍壯麗祭祀稍加豐隆使臣民

之論抑有以屬人祖錫報元功之誠下協天下臣

道欽此欽遵抄出送司案呈到部除襲蔭移咨別部

施行外所據建祠祭果府城置有官地即便轉行該

府開拓建祠查勘祭儀邵寶詩一代元功百世豪遺容

瞻處麗陽高天留湯沐田無稅人擬明禋澗有毛莘
 野不妨初就桀草廬猶恨未誅曹萬峯指點青田路
 斷石枯松望眼勞隱顧大典詩乘時仗策奠華夷惟
 幄謀謨蔚帝師豹隱一朱文章煥郁離藻獨修瞻
 百熒煌烈輝寰宇碑代朱彝尊詩草味經綸日英
 戰鬪年真人淮泗起王氣斗牛躔命世生良弼卑
 役大賢一官齊簿尉千鳳里正戈鋌記室依袁紹飛
 謝魯連廟鷹思飽掣威鳳必高鶩漢祖除秦法周
 卜涓畋廟才不易東帛禮宜先遂有君臣契能令
 帷幄專南征頻敵北旋摧堅王會收三統軍謀
 出萬全河山分帶礪冠蓋儼神仙未辟留侯穀長
 范蠡船麟當日畫竹帛後時編一自邱陵改重愁
 歲月遷隆中猶故宅上少封田舊俗遷祠廟清歌
 入管絃黃金遺像蝕鐵券幾人傳古瓦屢躡荒庭
 檜柏圓蛛絲虛寢胃鳥蹟斷碑眠想像陰符策沈吟
 寶劍篇前賢餘事業後死尚速邁去辭粉梓栖
 到海嶼空林多雨雪哀角滿山川玉帳無遺術蒼生
 久倒懸憑留一黃石相待穀城邊
 劉文成祠詩甚多非為麗邑作者不錄

泗國公祠 在縣治西南祀明參軍耿再成有宋濂及

蘇伯衡碑 宋濂耿公祠堂碑侯諱再成字德甫從吳
 樞密判官階鎮國上將軍龍鳳四年冬王命胡參政大
 華侯為前鋒金華平五年冬十一月遂命侯鎮其土勞
 海及侯分道攻括蒼已而又平王遂命侯鎮其土勞
 來安輯至者如歸侯馭下嚴軍校或斬人邱木捕而
 誅之自是皆畏威雖畦蔬不敢采侯先是士卒所至必
 徵私粟於民號曰砮糧莫敢何問侯白胡參政罷之
 八年春二月軍中有舊降帥相挺為亂侯方與客飲
 聞變即上馬收戰卒不滿二十人迎罵賊怒欲刺
 侯侯運劍連斷數槩賊將躍而前正中盡醜類遂墮
 罵賊不絕口而死夏四月王師四集盡醜類遂墮
 侯於金陵之聚寶山命侯子天壁嗣職仍鎮其土無
 何龍泉胡公深總制是邦七邑之民咸踴請立祠以
 妥其靈胡公曰吾志也命知府事程君孔昭視其役
 肖侯像其中經始於九年春二月落成於五月國之
 樊獻科泗國公祠記泗國武耿公勲庸之盛死國之
 忠具載宋太史碑中時方草昧祠雖建而祭典尚缺

至今百八十年乃發於公六世孫曰鏞者陳詞乞祭得命所請命歲祭二仲又命公子天壁配食乃徵文紀不俾來者知祭典維新之自云

三賢祠 在縣治南明巡按御史王獻之建祀中丞章

溢南陽侯葉琛縉雲伯胡深

國朝同治十一年葉氏後裔重建章拯三賢祠記栝山

公基御史中丞章公溢縉雲伯胡公深南陽侯葉公琛皆人傑也然章公遠卒於位胡葉二公沒於難獨劉公從容受封比蹟子房近復蒙恩建祠襲爵而三公祠宇荒廢識者憾之新安湛泉王公獻之按臨慨然曰此觀風者責也謀諸憲副胡公有恆盧公蕙都閩韓公平守備盧公鏜皆欣然協贊而平原岱野張公一厚遂擇地於城中得葉編修遺構棟宇宏敞買為祠前為門樓中為享堂肖三公序爵列坐復樹三碑於堂各刊行實五旬畢工行麗水縣春秋致祭案章拯記栝蒼彙紀誤題王獻之作據石刻正 吳

世涵謁三賢祠詩昔在貞元會乘時有數公風雲歸慘澹天地拓屯蒙神降蒼山近經傳絳帳同蕭曹先作吏寇鄧早從戎淮甸真人起金華幣聘崇留侯起圯上諸葛出隆中命世醅儒術登壇大將風得君期共濟翊運極和衷萬乘資翰畧孤軍任守攻鳳城迎畫鹿虎穴躍銀驄問俗晨飛旆擒生夜挽弓齊民歌召杜漢主倚岑馮豈屏藩寄俄驚節鉞空良材推柱石鶴駕又江東日月爭光志干戈盡瘁躬士元年闕北鶴駕又江東日月爭光志干戈盡瘁躬士元年不永紀信死何忠未遂經綸願長留社稷功襲封家督並錫爵國恩隆舊事悲陵谷新愁對檜楓謝墩餘瓦礫樊第掩蒿蓬守塚嗟無裔耕莊剩有童雲臺咸寂寞祠宇尚穹窿共以枌榆愛同歆俎豆豐劍沉秋水碧碑卧夕陽紅枯樹蹲松鼠頽垣篆草蟲朝昏喧野雀伏臘走村翁颯爽英靈氣淒涼烈士雄荒山憑弔處感嘆意何窮

二忠祠 在紫陽祠後明分守參議勞堪建祀參議耿

定僉事王晟 勞堪二忠祠記余觀栝史云正統十三年寇薄栝郡耿王二大夫率兵禦之明

年大戰於周坦兵潰被執不屈死余生平嚮慕忠節之士願為執鞭今得二大夫顧俾其泯沒而弗俎豆也其謂之何爰命有司設像祀之夫忠良心也貫常變齊死生惟知有君而不知有身之謂也謀身重則謀國輕居常非則遇變苟何者亡其良心也此心可剖而宗國必不可負顏舌可斷而叛虜必不可從百世而下聞者莫不興起焉觸其良心也二大夫之死真不有其身矣聞風者亦將忠君報國之心勃然生乎余記之不獨為二大夫也案明史張驥傳定和州人晟鄆城人俱進士事聞贈官錄一子

郭公祠 在府治後

國朝順治十六年知府周茂源建祀知府郭忠周茂源郭公祠記公長身鐵面嚴重有威家視枯子視民凡可以去枯之疾苦而為安全計者莫不焦思畢力以圖終於形枯神斂以卒於位故其神依久弗去往往昭靈見像以警動人耳目維治之北有隙地焉卜云其吉於是伐木於山陶甃於治鳩工飾役為屋三楹爰作公主升之於座

崔公遺愛祠 在縣治西澄西鋪

國朝康熙間建祀總兵江夏崔元卿倉聖潢重修崔公祠記總戎元卿崔公早年立功滇黔晉楚間及移節東南歷温州臺灣處州所至盜息民安著有勞績先是處大歉公為設粥賑饑死者施棺槨掩其遺骸災黎賴焉體恤行間代出費運糧給芻牧軍政得不替士卒借支銀若干悉焚券弗責償一時兵民慶更生遇疾卒於處處人立祠祀焉歲久漸圯過者惻然欲謀更新益廓而大之將鳩工適公子應階撫山左聞之發使資金抵處一切修營所需皆給公價不絲毫累民而觀察使蘇公總戎于公暨余往來董率不日落成守土者春秋時享率土人齋肅告虔公之靈將默鑑焉所以降福於處人者正未有艾也

方公遺愛祠 在縣治西華祠鋪

國朝乾隆三十三年四營公建祀總兵江都方文登道

光二十五年總兵梁勝灝以總兵鄭國鴻遊擊托雲
保守備李躍淵千總洪武琮蔡步高胡大純外委金
釗諸主祀皆二十一年進剿暎夷陣亡甯波者也

同治十年四營建關帝廟以祠址毘連遂併入設栗

主祀於右廂植璋方公祠記雍正七年公由黃巖調鎮處州知兵丁青黃不接輒乏食惜切

具奏願捐俸買穀三千石春夏借給秋冬買還蒙
恩旨准行迄今三十餘年各省仿照舉行公之愷
澤遂及天下矣公因處郡上通雲龍七邑下達甌江
捐設巡船巡輯私梟於鹽課有裨各商呈請青邑鹽
關每引輸費二分以為巡兵盤費并修船之用至今
查緝攸賴皆公之遺愛也公字臺臣揚州江都人

棗山廟 在棗山

靈佑廟 在縣治東南一里宋乾道二年賜額今俗呼

厚田廟

協濟廟 在縣治西南花樓井宋淳熙中市不戒於火

禱之即滅郡守李處全請賜廟額

好道廟 在城東十里宋大中祥符間封濟渡侯

通惠廟 在城西三十五里宋政和三年賜額紹興四

年封普應侯案舊志云晉司空陸
阮然有記今無考

龍子廟 在縣西四十里碧湖中堡

國朝嘉慶十二年建麗舊志謂俗改司馬廟為白龍廟
遂附會為龍子廟譏其拂情違禮

削而不書然流傳已久民俗俎豆所歸且殿宇宏敞
莊嚴士大夫過者咸憇於此故復存之以當古蹟云

胡公廟 在縣西四十里碧湖下堡祀宋永康胡則廟

有古浮屠故亦名塔院

協應廟 在風門山顛宋淳祐十二年賜額慶元二年

郡守趙善堅禱雨屢應奏加二神顯惠公靈祐公

福順廟 始在縣東五里宋淳熙三年知縣吳津遷於

延和門內後遷巖泉門外今在縣治西驛前鋪

顯佑廟 在縣西白峯禱雨有應宋咸淳八年賜額

旗纛廟 在縣治西祀軍牙六纛之神明制霜降日處

州衛掌印官主之

火神廟 在縣治西星華鋪同治九年邑人醵金重建

案以上二廟皆康熙中平陽鎮移駐處州後營官所建

馬王廟 舊在火神廟右咸豐十一年燬於寇同治十

年併入華祠鋪關帝廟祀於左廂始建與

晏公廟 在縣治南石橋鋪案據浙江通志則神為宋晏戍仔舊志以為晏安誤

忠靖王廟 在囿山宋王信山堂故址俗呼太保廟神

為唐平陽温瓊能除疫厲

國朝乾隆中建同治六年里人醵金重修金碧輝煌逾

於疇昔香火之盛甲一郡焉舊志謂信使金獲神佑既歸建廟囿山宅後以

護國夫人廟 在通惠門內菱山祀唐孝婦馬氏咸豐

八年燬於匪同治十二年知府潘紹詒倡邑人鳩貲

重建孝婦景甯縣人事詳李陽冰碑見景甯縣志

順懿夫人廟 在縣治西太平坊鶴鳴井南祀閩中女

子陳靖姑 十國春秋靖姑陳守元女弟也嘗餉守元於山中遇餒姬飯之遂授以符篆驅使五

丁永福有白蛇為孽惠宗召靖姑驅之靖姑斬蛇為三詔曰蛇魅行妖術隱淪後宮誑欺百姓靖姑親率

神兵以安元元功莫大焉其封為順懿夫人食古田三百戶以一子為舍人

東嶽行宮 在縣治西南有元項棣孫碑案宋真宗大

有事泰山嶽神顯異詔天下郡縣悉建東嶽行宮此郡縣東嶽廟所自始也項棣孫碑謂栝郡東嶽之祠始創於唐始失考耳

昭忠祠 在縣西四十里碧湖村頭咸豐辛酉知府李

希郊殉難於此同治十三年知府潘紹詒詳奉

奏准建立專祠光緒二年工竣並記其事記云咸豐己未公之奉守

栝蒼也適當粵匪擾後瘡痍未復越二年匪再犯邊境公先率勇堵禦餉不濟勇潰遂松相繼陷乞援不

獲命公卒以親兵數十當賊鋒力竭陣亡事聞奉恩賜恤贈太僕祀昭忠祭葬如例並給世職

及死事狀益重其為人亟思建祠祀公而餉需未裕民力尚艱不果嗣閩郡紳徐其事蹟乞余陳請建

祠益信公德澤在人嘉士紳之不忘舊澤也轉陳大府奏請得

旨允行因跡公殉難之所於碧湖得爽塏程工與役閱數

月落成董其事者請為文記之余思公宦績忠魂始末具詳本傳可不贅叙惟聞公赴難時兵無一旅糧

乏宿儲屬邑又無環墉捍禦可櫻而固守者惟郡城不難借一背戰耳即事萬無可為則正衣冠與城共

亡公詎未之熟計乃當道不察公志迫令前驅迎勦公僅率親兵數十人冒刃而進致被戕於亂賊蜂擁

中不其可慘也哉然至今生氣凜然精爽所憑當與栝山川同其靈祚孰非公之福耶爰撫其實而錄之

青田縣

先師廟 詳學校

先農壇 東門外志通

社稷壇 縣西三里北向

風雲雷雨山川壇 溪南三里北向

厲壇 縣西郊三里南向

文昌宮 舊在東門外學宮之左明天啟間教諭鄭奎光建

國朝順治六年燬康熙四十五年知縣鄭新命徙建城內學署同治元年燬於兵六年知縣羅子森重建新

志

名宦祠

鄉賢祠

忠孝祠

節孝祠 俱詳學校

關帝廟 縣南二百步清溪門內明萬曆四十年知縣

袁鳴泰建

國朝同治元年燬於兵八年知縣徐熾烈重建青新志

城隍廟 縣西三里建於明洪武三年邑人王潤孫有

記 縣西三里建於明洪武三年邑人王潤孫有

國朝雍正六年知縣萬里重修同治初燬於兵邑紳項

懋馨孫騰驤張籌詹誠等捐建青新志

劉誠意伯廟 縣北混元峯下祀明誠意伯劉基歲以

春秋二仲上丁日致祭嘉靖間詔立靖難死節谷府

長史劉璟廟春秋祀之提學萬潮令縣立像配享誠

意伯廟吳世涵謁劉文成公祠詩石室名香手自焚大賢祠下薦芳片文章一代韓歐筆帷幄干

秋望散點自昔熊飛曾洞壑於今龍去尚風雲此中猶有奇書否寂寞山橋滿夕曛

平成廟 溪南祀大禹每歲二月二日居民祀之有邑人陳詔碑

清溪廟 溪北其神曰朱三府君唐時人好義樂施捨

宅為崇道觀後人立祠於觀西祀之

東嶽宮 縣西北元至正間建

孝女廟 縣西四十里地名小洋

鳴山廟 縣東二里許神姓蕭即信州鳴山神嘉靖倭

寇攻城顯翊衛功

古石廟 縣西五十里神姓朱有孝義有所必應

義陽廟 縣西一百里神靈能興風雨去疫鄉人祀之

博濟廟 小連雲山宋郡守李翔遣人祈雨立應

土地祠 縣治左舊志

縉雲縣

先師廟 詳學校

文昌宮 在文廟左康熙二十九年知縣戴名振建後
圮嘉慶十三年邑人捐貲重建

名宦祠

鄉賢祠 俱詳學校

關聖廟 一在仙巖寺右一在縣下市街乾隆二十九
年知縣令狐亦岱移建城西隅

城隍廟 縣治西二百步客星山舊在西谷唐乾元二

年知縣李陽冰祈雨有應遷今址 李陽冰碑見金石

陽冰為江神渡江者祭投碑
記可免風濤故名為定風碑

麗陽廟 南門外夏瑚山東卽郡城麗陽之神以雨暘

水火祈禱而建歲以六月二十八日致祭

虞帝廟 縣西北三十里

禹王廟 縣東一百三十里

大亭廟 縣南三十里廟前溪水險惡過此必祭

石筍廟 縣西北十七里有石數十丈如筍故名

顯應廟 縣西北十五里神能興雲鄉人立祠水旱疾

疫必禱宋嘉泰二年知縣朱堂奏賜廟額

康樂侯廟 縣南五里

趙侯廟 縣東十五里侯名炳字公阿東陽人仕漢官

至大將軍烏傷侯祀神以東流水爲酌削桑皮爲脯
療病皆除水旱祈之必應廟前有石如航俗呼爲趙
侯航

靈澤廟 縣東二十里宋咸淳七年知縣陳紹若祈雨
有應立額

卓侯廟 縣東五里侯諱茂漢封褒德侯

三真人廟 縣南十五里宋嘉定間士人陳文煥將赴
試默禱於廟夜夢有神語之曰監試乃堯煥乎其有
文章旣入試果如夢境有殺人者夜載其屍以遁舟
過廟側見有白衣人長數丈不敢前遂被獲

通靈廟 縣東七十里元皇慶二年賜廟額

烏石侯廟 縣東四十里神兄弟七人顯靈初廟食仙
居李村封廣福昭惠侯

潛尚書廟 縣東七十里祀梁尚書潛佶其子司徒進
太保穎配

聖母廟 縣西南二十五里邑人周氏女沒顯靈能興
雲雨鄉人立祠祀之

惠濟侯廟 縣東南五十里宋咸淳七年尚書潛說友
祈雨有應奏封侯

博濟侯廟 縣西南二十里

驛潭神祠 縣西南二十里

丹陽廟 在澄清坊

槐花廟 在龍津坊

先農壇 縣東距城五里

社稷壇 縣北三里

風雲雷雨山川壇 縣治水南

厲壇 縣北岱嶺

朱子祠 文廟後祀宋朱文公廢久址存康熙二十二

年知縣霍維騰重建後地道光八年邑人呂錫熊重

建縣志

塔廟 縣南夏瑚山之陽中奉陀羅尼次祀文昌帝君

萬曆丁未合邑興建守道車大任周繼昌麗令歷陞

浙江學道樊良樞均以塔事遺愛並祀於此知縣王

懋錕撥田為祀亦得與

雲臺巖赫靈行祠 神姓胡諱則仕南唐守江州堅壁

不下曹翰攻之危急忽有旋風吹片紙墜城中有詩

曰由來秉節世無雙獨守孤城死不降何以知機早

回首免教流血滿長江後城陷不屈江表志舊郡守

稱係宋慶歷間人官至兵部侍郎顯靈於婺之方巖

今香火流傳於栢麗縉皆有行祠

靈順行祠 縣東四十里神初廟食婺州元皇慶初建祠於此

葛稚川真君廟 六都中峯山

靈應行祠 縣南百步神邑人東郭鮑蓋也梁大通末顯靈討賊廟食四明宋建炎二年知縣蘇德秀建祠歲久圯成化壬寅邑人重修

雲南赫應祠 縣東六十里

天后宮 縣西南前臨好溪乾隆三十三年閩人建嘉

慶元年修葺道光二十年重修縣志

潛猛將軍廟 縣東七十里神捕賊數有顯效宋咸淳

二年封顯佑侯

龔黃二公祠 北門外三里嶺上祀縣令龔廷賓黃李茂

土地祠 縣儀門外

忠孝祠

節義祠 俱縣治北

真武廟 一在繼義橋南道光六年邑人呂建盛建一在競爽橋北道光八年呂建始建縣志

龍公祠 在龔黃二公祠側祀知縣龍奮河

四公祠 在仙巖寺東園祀縣令周世遠黃虞臣李時

孚王懋錡

潘雷二公祠 南門外祀縣令潘汝楨雷升聞

松陽縣

先師廟 詳學校

文昌閣 儒學門外東首

名宦祠

鄉賢祠 俱詳學校

關帝廟 縣南咸豐八年燬同治六年知縣徐葆清勸

捐改建於舊廟東

縣志

城隍廟 縣西嘉慶初年知縣傅秀漳勸捐重建道光

間重修咸豐同治間勸捐續修

縣志

白龍瑞現夫人廟 百仞山下舊名太婆廟石晉天福

四年縣令陳時祈雨於斯有白龍晝見雨隨至令上

其事因改廟額

戴火仙廟 縣西南十七里遇旱祈雨以見火為讖故

里人祀之

竹峪廟 縣竹峪嶺泉出山頂下瀦為巨潭溉田百餘

頃宋大觀四年縣丞李察祈雨有應因祀之

葉公廟 縣治左祀明靖難忠臣葉希賢

通濟廟 去縣六十里祀詹南二司馬

先農壇 縣東

社稷壇 縣西北三里許

風雲雷雨山川壇 縣東南二里

厲壇 縣北朝天門外三里

天后宮 縣西熙甯莊乾隆十四年閩商請於邑令陳

朝棟建

縣志

麗陽行宮 縣北五里

東嶽行宮 縣北一里前為太保廟康熙十三年燬五

十四年重建道光初年被燬庠生周紹濂重建東嶽

宮饒忍齋等捐建太保廟同治間湯翼舉等重建太

保廟周春生等捐修東嶽宮

縣志

魏公祠 縣北二里祀縣令魏良弼祀田十二畝祠久

廢田存儒學收租辦祭

土地祠 縣儀門左

忠孝祠

節義祠 俱在天后宫左右

詹公祠 舊學基祀忠臣詹嘉言

昭忠祠 縣東葉公祠右咸豐九年北鄉山下洋張姓

捐建祀知縣張士超李作幹教諭徐清翰邑紳葉維

藩等及殉難士民婦女

縣志

遂昌縣

先師廟 詳學校

文昌閣 舊在儒學門左道光二年合庠捐建於半月

池左咸豐十一年被匪毀壞同治四年知縣方泂教

諭高鴻重裝神像九年知縣韋登瀛重修增建四映

樓於池畔

名宦祠

鄉賢祠

忠孝祠

節孝祠

關帝廟 縣前溪南乾隆二十一年知縣熊鐫改建西

隅咸豐十一年燬於匪同治四年知縣方泂九年知

縣韋登瀛先後修建前後殿十一年知縣姜卓教諭

周榮椿籌資重建儀門回廊規制漸備

城隍廟 縣東一百五十步明洪武間建嘉靖二十八

年知縣洪先志建兩廊隆慶元年知縣池浴德修萬

曆十九年知縣萬邦獻重建

國朝康熙四十二年知縣蘇巖重建乾隆間被水重修

道光初年合邑捐資修葺

四年闔邑士民捐資建復

馬夫人廟 舊址在十八都柘上今移建邑南五龍山
咸豐八年匪燬同治四年修復又名瑞蓮堂

東嶽廟 邑南久廢重建西門外二里道光間漸圯咸
豐三年捐資建復

天后宮 在溪南壽光宮右今廢乾隆間特建於縣東
春秋祭祀咸豐十一年匪燬同治紀元武舉人官育
僑等捐資重建 案天后宮文昌宮關帝廟各鄉間
有因非有司祭祀之所故不備載

慈仁廟 縣東一百步知縣顧甯重建
安樂王廟 縣西二百步後改爲社學

太保廟 邑南瑞山麓卽紫極壽光宮同治間重修

溥濟廟 卽三井龍湫之祠自宋以後祈雨輒應紹興
己未賜額至今靈異如昔

白馬廟 昔在邑西二十里丁公山下項村因圯移建
山頂一方祈雨之所

吳僕射廟 大柘溪東神名珂唐末爲保義鎮遏使黃
巢倡亂四方雲擾羣盜蝟興盧約陷處州董昌攻越
珂集義勇積餼糧守禦一方以功拜檢校工部尙書
旣沒爲神凡有祈禱無不應

蔡相公廟 邑西九十里世傳五代時蔡氏兄弟二人

避地蔡山之原沒而為神至今廟食

陳府君廟 縣北五十里神名備唐時為處州刺史文

德初與盜盧約爭州不克沒而靈異

華使君廟 縣東十里神名造唐景福間為處州刺史

死於賊鄉人立廟祀之

何相公廟 邑西二十里好川祈雨輒應

先農壇 縣東鶴山麓

社稷壇 北門外一里

風雲雷雨山川壇 縣南隔溪瑞山麓

厲壇 縣北一里

麗陽行祠 縣北一里

尹祠 祀宋處士尹起莘舊址在學東明萬歷初年提

學道蘇濬建後圯道光二年尹氏後裔改建半月池

右邑人王夢篆詩有宋徵文獻先生手澤存學資魯

史正名列布衣尊俎豆承賢裔祠堂近聖門向來

香一瓣特為擷芳蓀吳世涵讀尹堯庵先生綱目發

明即題其後詩皓首窮居事纂修茅堂獨抱古今愁

春秋義法參三傳閩浴心源截眾流霧谷成文深隱

豹緱山讀史老騎牛紫陽身後功臣在應使徐汪屈

滅虎祠 在報願寺法堂東知縣湯顯祖建記見藝文

土地祠 縣儀門東

湯公遺愛祠 報願寺左祀明知縣湯顯祖附祀知縣

段宏璧繆之弼有公置田三十九畝零收租以資春

秋祭祀邑人王夢篆詩臨川才子孰追攀飛鳥無心到此間一代詞名傳玉茗三年吏隱賦刀環

田園歸去陶彭澤俎豆長留元次山為愛清風思亮節遙情高寄暮雲間吳世涵遺愛祠謁玉茗湯公詩

臨川一老仰清標花下芳祠拜寂寥賈傅立朝惟痛哭莊生作吏亦逍遙孤臣志業拋荒棘仙令文章泣

鬼魅留得山城遺愛在迎春歲歲入歌謠

忠烈祠 報願寺左咸豐八年知縣程洪建祀教諭景

采臣十一年毀同治四年知縣方泚勸捐脩復附祀

殉難士民十一年知縣韋登瀛重修十三年知縣張

維垣於祠右增建節烈祠三楹祀教諭景采臣妻女

并闔邑殉難婦女

龍泉縣 縣東諱烈正十六年縣同前正平里人李

先師廟

名宦祠

鄉賢祠

忠孝祠

節孝祠 並詳學校

先農壇 九都九姑下

社稷壇 縣西烏石山南

風雲雷雨山川壇 雙溪南

厲壇 距縣里許

文昌宮 舊志未載地名乾隆縣志亦未載 案龍新

志採訪冊文昌閣凡三一在縣治東一在治北月泓

廟前一在治南

關帝廟 縣東崇因寺左乾隆四十一年知縣黃德中

修同治十二年知縣顧國詔會營捐修

城隍廟 縣西五十步

火神廟 舊在集福寺乾隆四十一年知縣黃德中改

建武廟西偏同治十一年重修

麗陽行宮 縣南一里

稷帝廟 縣東乾隆五十六年建同治五年里人李存

禮張海養董理重修

倉帝廟 縣南花石灘上邑紳蔡士魁等捐資建造

馬夫人廟 留槎閣西仙洲之上

東嶽行宮 縣西四里

天后宮 乾隆十二年士民林浩柯等請資公建舊在

留槎洲上後改建通濟橋下道光六年重修

忠賢祠 崇因寺右祀章溢胡深二人

土地祠 縣儀門東

廣惠行祠 集福寺東淳熙甲辰知縣王備迎像祈雨

多應

康濟將軍廟 縣東一里唐天佑二年吳越王錢氏封

匡濟將軍避宋祖諱改康濟管師仁遇五神人事載

縣志

北宮豐盈感應侯廟 縣北三里唐顯慶間建居民祈

雨有應至今祀之

靈順廟 稽聖橋南宋慶元間邑人建

鎮東五木火神廟 縣東崇因寺後

威烈感應侯廟 縣南二十里

濟順侯廟 縣東二十二都侯姓陳諱紳東嘉人五代

時昆弟五人擢高第後避世龍泉顯靈祀之

昭應廟 延慶鄉查田市神姓蔣名超兄弟三人宋宣

和間方臘犯州境神大顯靈異境賴以安

旌賢祠 縣西五十里祀王毅 王禕旌賢祠記先生諱毅字剛叔別以木訥自

號夙負異秉篤志於學早從上饒鄭君原善游而聞聖賢求仁之方及登金華文懿公之門得理一分殊之旨所學粹然一出於正教授里中戶外之履至無所容至正甲午盜起旁縣先生領鄉兵往禦之里井恃以為安夫何遺孽未殄者陰設狡謀而先生遇害先生歿門人胡君深既勒兵討賊申復讎之大義而章君溢等復即先生所居蓋竹里為祠以祀之則禮以義起者也祠之建在戊戌歲居室規制完飾具美且合則置田用其入為歲時享祭之需焉案舊志縣志俱未載茲照通志補列

真西山祠 舊在明倫堂康熙辛巳邑令金輝移置堂西未幾比今神位置崇聖祠西楹春秋附祀

縣志 案真西山浦城人縣志舊志俱作龍泉人惟通志不載詳人物志

忠義節烈祠

治南倉帝廟左右二祠係同治初年建祀殉難士女

慶元縣

先師廟

名宦祠

鄉賢祠

忠孝祠

節孝祠 並詳學校

先農壇 縣東豐山門外

社稷壇 雲龍門外半里許

風雲雷雨山川壇 濟川門外一里

厲壇 仁豐門外

文昌祠 城隍廟右康熙三年知縣程維伊建 縣志

載學校育英莊後舊志未載地址

關帝廟 豐山門內舊在縣治後順治五年毀六年駐

防遊擊董永義重建雍正九年知縣王義麟遷建今

址乾隆四十七年知縣王恆重修增建兩廡六十年

知縣魏夔龍嘉慶十六年知縣鳴山先後修葺

城隍廟 仁豐門外舊志案縣志作豐山門外康熙二年

知縣高嶙重建乾隆四十一年知縣董翬縉重修道

光三年邑人吳起元捐修

土地祠 縣儀門左

東嶽行祠 四都黃堂岡下

馬夫人廟 一都往時鄉多虎狼居民患之遂立祠於湖山祀之患息

護應行祠 縣治左

順濟陳夫人行祠 西門外

靈順行祠 城北迎恩坊前

雲和縣

先師廟

名宦祠

鄉賢祠

忠義祠

節孝祠 俱詳學校

先農壇 青陽門外一里

社稷壇 縣西一里

風雲雷雨山川壇 縣南二里

厲壇 山巖寺明萬曆五年知縣蕭淵改建今仍故址

文昌宮 黃溪保康橋北雍正元年建乾隆二十八年

知縣王欒倡修嘉慶八年知縣蔡應霖新之道光十

六年邑人擴基重建

關帝廟 黃溪桂林橋北舊為王氏許仙宮康熙間改

今廟嘉慶十一年知縣陳治策倡修咸豐元年重修

城隍廟 黃溪祈豐橋北始建無考康熙二十八年知

縣林汪遠修道光二十三年邑人捐資重建

呂祖廟 黃溪祈豐橋下

東嶽宮 黃溪呂祖廟東道光四年建

天后宮 阜安門外乾隆二十六年建

禹王廟 九都里

陳尙書廟 七都

晏公廟 九都

濟甯侯廟 一都

陳侯廟 五都

惠侯廟 九都

馬夫人廟 坊郭

李夫人廟 一都

靈惠侯廟 七都

威烈徐侯廟 四都

王尙書廟 六都

顧令祠 縣東南明宏治庚戌邑民以故知縣顧立開

基立縣有功請建祠春秋祭祀大學士李東陽有記

去思祠 縣東賓陽門內為知縣陳思願立青田陳中

州有記

遺愛祠 蔭福橋縣署西偏光緒元年知縣洪承棟率

邑紳王士鈞等創建

宣平縣

先師廟

名宦祠

鄉賢祠 並詳學校

先農壇 縣東

社稷壇 縣東通濟橋側

風雲雷雨山川壇 縣南山下

厲壇 舊在縣東北一里今移設北門外一里

文昌閣 在學宮泮池東

關帝廟 縣治太平坊

城隍廟 縣治西南

土地祠 縣署大門左

麗陽行宮

東嶽行宮 俱縣南二里

大魁閣 泮池東久圯

興文土地祠 學宮左

彰德昭靈侯廟 縣北六里

宣慈鄉主廟 縣北一里民於旱澇疾病無不禱之
唐葛周廟 縣西楹樣山三神乃周厲王時三諫官王
失政累諫不聽棄官奔吳及厲王崩宣王立三官復
歸王以輔導太子有功遷秩山東兗州而國大治三
官沒王始以孚靈威靈浹靈侯爵等號封之至宋眞
宗祥符元年封泰山至天門忽見三神人又加封焉
昔宣和二鄉苦旱祈雨有見神者曰吾願卽楹樣山
爲家濟爾雨澤後建祠祀之祈禱卽應今山東青登
二府並有祠登州志載唐諱宏葛諱雍周諱武皆靈
驗 案舊志備載前說縣志未載但稱楹樣山三元

眞君廟爲宣邑祖廟最爲靈顯禱雨多應廟始於唐
通志載相傳周厲王時諫臣奔此後歿爲神血食於
此云大抵廟神靈蹟昭著崇奉已久里老村氓相率
附會轉覺誕誕不經爾

梁大傅廟 縣東五十里

靈顯章侯廟 縣東南六十里侯諱承趣唐中和間黃
巢亂鄉民推爲部領捍禦有功歿而爲神宋潛佑六
年封仁烈侯妻呂氏封助順夫人四婿丁鄂王修蔡
禋鮑庶配食

洪公祠 縣前東祀邑令洪雲翼

禮德祠

東巖頂祀宋蔡夢奎梁宗善蔡子昇梁孚先

孚將孚錫孚惠蔡叔輝叔寶有韓元吉碑記

朱先生祠

東巖頂祀宋處士朱子仁有蔡伯尹碑記

報德祠

縣東祀明縣丞有遂昌黃中記

忠孝祠

節義祠

名宦祠

景甯縣

先師廟

以上二祠舊志未載建設地址縣志載忠孝

祠在縣東節義祠在縣西

鄉賢祠

節烈祠

忠孝節義祠 俱詳學校

先農壇 縣東

社稷壇 縣北一里

風雲雷雨山川壇 縣南一里

厲壇 縣北六十步

文昌宮 學宮泮池右道光二十七年知縣程文範遷

建於雅峯書院後

關帝廟 舊在莘嶺順治間于總郭自成改建縣北旗

燾廟左康熙間知縣高棠芻重建雍正十年知縣李

應機建月臺路廊乾隆間知縣張九華修葺嘉慶十

一年知縣游朝佐拓地重建縣志

城隍廟 城北四十步明景泰三年建屢經修葺乾隆

四十七年知縣李大鼎重建規制始備同治元年匪

毀三年知縣徐熾烈率董修復縣志

縣土地祠 縣儀門左

學土地祠 學儀門左

馬夫人廟 柔遠鄉鷓鴣村有唐縉雲令李陽冰所撰

碑記

潘公祠志縣治西祀長興縣主簿潘應芾暨子潘仲龍

潘季龍潘荀龍

東嶽廟 縣北忠孝祠右同治十一年知縣周杰建縣志

崇義祠 縣北司前橋頭晏公廟左同治五年知縣陳

德漸奉文建八年四月知縣周杰經理告竣祀

旌卹殉難士民婦女縣志

處州府志卷之八終

具興練主戰敵勳苦望子敵於前

東熾... 練北忠孝... 同前十一... 同前正... 同前...

處州府志卷之九

處州府知府元和潘紹詒重修

古蹟志

名勝

寺觀

塚墓 義塚附

習家池館何氏園林昔人觴詠怡情後世流連寄慨
况名賢託蹟碩士寤歌尤令人聞風興起者乎至若
琳宮法宇點綴山林賢壟義阡表著基址聯類并記
皆攷古者所不廢也志古蹟

名勝

名山無恙勝地不常兼以塵劫十年園亭臺榭半付
劫灰其存焉者亦不免今昔殊形也茲就曹志各邑

新舊志擇要載之俾登臨者有所指證附見山水者可參攷焉

處州府

按古城在今城東南七里唐州治也舊志云唐末盧約竊據是州徙今城者舊相傳約之將徙也訪之三平和尚云黃牛卧處好安州因遣人視之進山適有一黃牛訛寢乃遷之人稱為古城其州治在今城西小栢蒼山之巔

南園在舊治陸游詩安用移封向酒泉醉鄉只擬來歸路闌三州是處踟躕出遊一到南園便忘返

亭邊綠浸琵琶洲曉鶯催繫柳邊舟巷陌東風拂面柔客裏又驚春事晚夢中重續枯蒼游歡情飲量年涼知愁南游雲海歎茫茫又泛歸舟到栢蒼城郭淒涼歎遼鶴鬢毛蕭颯點吳霜除醪可把春無幾絃索

初陳燕未央樓下清溪三烟雨樓在舊治郡守楊嘉

後廢國朝道光十八年崇福寺僧達真因一覽亭架樓其上學使羅文俊重署榜登覽之勝水色山光

在人襟袖晚烟宿雨如對畫圖咸豐十一年燬於粵匪同治十三年中丞楊昌濬校閱營伍按臨登覽以

浙中烟雨樓有二丞宜興復倡捐百金會屬官踴躍爭輸重建刻期落成錢竽詩人在神仙碧玉壺樓

高壯麗壁城隅風雲出沒有時有烟雨空濛無日無但得綠樽閒對酌何須紅袖醉相扶郭熙去後丹青

絕曠作新詩當畫圖趙應詩畫棟飛雲暮靄寒樓臺城郭有無間烟收雨霽會看否見盡東南萬疊山鄭

俠詩仙人居處即釐宮更作層樓峭倚空羣岫遠來烟漠漠大江去雨濛濛花邊柳策馬怡裏耕笠漁

端笑語中別有夜楹千里月凭欄清興與誰同青田家落日開新霽一雁西風帶暮秋溪漲綠拖官渡尾晴嵐青過女牆頭詩人已入藤陰夢回憶當年感舊游見山樓在通判廳通判董居誼建梯山為基勢甚

處州府志 卷之九 古蹟 二

寒梅度一春主人指日是行人孤根耐久不忘舊疎
 葦逢秋已獻新堪笑世情何恁薄不知花意卻相親
 為送幽香入夢頻 賢星樓在舊治東有香風樓在舊
 東樓下為清香橋 凝霜閣在舊治後廳之東郡守楊
 下多蓮花故名 靜中看何須 趙靡詩修竹蕭蕭
 三兩竿公餘時得 永霜六月寒 微閣在州治後廳
 更避人間暑滿腹 越詩高閣危闌幾度經清光頻借
 暉建米芾書榜 陳越詩高閣危闌幾度經清光頻借
 少微星半天雲 促山城雨驀地風生屋角鈴芳草倚
 春迷曲徑幽花 因月上疎檣憑 吾 泖溪閣在舊州治
 目力窮千里遙 引烟嵐入座青 雙清閣在僉照水堂
 松聲 翔峰閣 在舊州治郡 雙清閣 在僉照水堂
 閣 西郡守李堯俞 建米芾 蓮城堂 在舊治南園郡
 書榜蘇舜欽記 載藝文 蓮城堂 守范成大建 風月
 堂 在通判廳通 博古堂 在舊 好溪堂 在舊治東徐度
 判黃當建 西亭 楊億建 西 點易亭 在

治南園通判 擬滁亭 在州治照水堂前郡守蘇易簡
 司馬 擬建 在南園郡守范成大建 秦觀千秋歲詞柳
 鶯花亭 在沙外城郭輕寒退花影亂鶯聲碎飄零西
 酒盞離別寬衣帶人不見碧雲暮合空相對憶昔西
 池會鷓鴣同飛蓋攜手處今誰在日邊清夢斷鏡裏
 朱顏改春去也落紅萬點愁如海 好事近詞山
 雨添花動一城春色行到小溪深處有黃鸝千
 飛雲當面化蛇龍天矯挂空碧醉卧古藤陰下杳不
 知南北 范成大鶯花亭詩并序秦少游柳邊沙外
 之詞蓋在 栝蒼監征時所作余至郡徐子禮提舉按
 部來過勸予作小亭記少游舊事又取詞中語名之
 曰鶯花賦詩六絕而去明年亭成次韻記之難長石
 出水鳴隄城郭西頭舊小溪游子斷魂招不得秋來
 春草更萋萋愁邊逢酒却成憎衣帶寬來不自勝烟
 水蒼茫沙外路東風何處挂枯藤壚下三年世路窮
 蟻封盤馬竟難工千山雖隔日邊夢猶到平陽池館
 中文章光燄照金閨豈是遭逢乏聖時縱有百身那
 可贖琳瑯空有萬篇垂山碧叢叢四打圍煩將舊恨
 訪黃鸝 緜林霜後黃鸝少須是愁紅萬點時古藤陰

下醉中休誰與低眉唱此愁團扇他年書好句平生
知已識儋州 陸游詩沙外春風柳十圍綠陰依舊
著黃鸝故應留與行人 拂雲亭 在州治少微閣夕霏
恨不見秦郎半醉時 軒 在照水堂西偏 抱節菴 在舊治惠風堂 轉物菴 在
郡守李堯俞建 環植巨竹故名 雙芝亭 在府
雲亭 舫齋 在推官廳推眺閣 在推官宅 後
因產雙 芝故名

麗水縣

按縣治舊在縣西三十五里資福村今地 清風樓 在
名有古城岡縣頭山城塘等處即其地 西披雲亭 在望京
觀監酒稅嘗游此閣詩云都門將酒惜分攜歸路
駿望欲迷千里又看新燕語一聲初聽子規啼春風
天上曾揮翰遲日江邊獨杖藜回首三山樓角晚
雲流水自東西流落天涯思故園散愁郊外任蹒跚

雲歸邃谷知無雨風捲寒溪沒近灘已見雁將歸楚
澤遙知春又到長安桑林麥隴依稀是只欠秦川萬
寬柳邊亭 在舊州治西南里許秦觀千秋歲詞有柳
知津亭 在南宋郡守范荷花亭 在郡治通惠門外 放生
亭 在郡治古放生池所謂淨池也宋紹興十五年郡
利有濠河二處一自通惠門出清香橋下經淨池至
黃靈橋下今府治前出迎春門外一自清香橋外循
街而南達於濠頭東過梨園巷遠市後透迤抵應星
橋下出大溪所瀦皆環城之水其濠潤處半植荷芡
名荷塘先以汗淺無蓄儲之水每至延燎多不能救
居民苦之宋慶元丁巳郡守趙善堅先知其害乃分
委戎官疏導諸渠為三閘覆以巨石使水可積今
歲月浸遠失其舊址城中小溝塞不通濠一經驟雨
溝澮皆盈人病蹇涉天色稍晴隨卽乾涸統裂後市
居連燬於火皆由此也當有賢者任其責使疏利之
嗣此數百年明嘉靖乙巳兵備夏公浚行視郡中知
有舊渠考詢志書故老遂檄府修知府李公冕首鑿

通惠門淨池以濬其源次疏二渠分麗陽溪水隨勢
導之入城皆為開以時蓄洩向之侵築者公命自首
釋其罪與之改正疏鑿之工沿渠之民各事之
無居民則官事之三越月工成建亭名得月

士秦觀監酒稅署上為懸黎閣
酒稅時居此山上有懸黎閣即元東嘉高則誠撰
瑟記處今並廢董旂懸黎閣詩先生瞻雅才游戲
投簡牘慶詞寫幽意暖律吹窮谷會聞倚聲時坐擁
雙華燭寶焰忽交花四照散清馥至性鬼神感矧彼
蚩蚩俗莊語世所憎微言轉可覺厥體雖俳諧用意
良深篤豈伊關王流導淫弛檢束古閣號懸黎當年
此編錄哀草冪寒烟何處尋遺躅簫管滿山城正唱
中郎曲郡守劉廷璣題秦少游監酒稅處詩地僻官
閒亦可休更承風旨曹積毀能銷骨悞了東坡又少
東坡有少游一作兒曹積毀能銷骨悞了東坡又少
游又題高嘉撰琵琶場中傳故事蔡邕真個狀元來
是千秋絕妙才歌舞場中傳故事蔡邕真個狀元來
楊郡人徐望璋訪秦淮海監酒稅處詩春鳩何處綠

麗蘇門鵲啼橋上悲新法蝸篆碑頭認故墩翹首南
園問遺址愧無佳句奠詩魂端木百祿同作青山斜
林綠楊村拄杖尋春日未昏孤蓋難逢秦學士殘碑
爭掃趙王孫鶯花寂寞羅祠宇煙雨荒涼鎖寺門回
首天涯成遠別一紫陽書院府在郡東南明嘉靖間知
番惆悵一銷魂

收入清波亭外久廢
府學清波亭外久廢
記亭館後廢康熙二十九年知府劉廷璣重建章綸
記太子太保吏部尚書廣昌何公宜德中守溫以朝
親至京道經栝蒼馮公嶺夜宿逆旅永嘉縣丞于建
遣其子間道懷金贈公笑而卻之過客聞之遂書
卻金館三字於壁有司於其地創造亭館立坊道左
自此騷人墨客咸形之聲詩至今五十年坊額朽腐
溫州府三山項公澄乃捐金復葺之而屬綸為記然
此特公之一節其政之設施則又有歷歷可徵者焉
應星樓在府學東南宋郡守王庭芝建城內水南流
案碑云昔隋處士星見因置處州兩浙金石志云處
士名州之說僅見此碑猶婆之應婆女台之應三台

古蹟
五

分野之鎮東樓在巖泉門右跨城為之元達魯花赤
 未論也其下國朝康熙初壞於水乾隆十八年知府
 者大鵬重建咸豐十一年燬於寇同治六年知府清
 駱重鵬觀勢高巽峯閣在東南城上中奉朱子像元
 安稱鉅觀焉國朝道光二十五年知縣張鏡易而
 所建舊面南年知府清安復易而面南前為講武場
 面比同治四年時習肄大溪自西東去菜窩在城東明
 犀甲霜戈以皇耳目亦登覽之勝也劉彬故宅
 樹影灘聲發皇耳目亦登覽之勝也劉彬故宅
 劉基有榮窩說盧鏜故宅在北隅續蒙勳故宅在東
 弁序見藝文通志引名勝志在麗水縣好溪唐貞元
 後李敬仲宅中郡守李敬仲愛其林壑之勝築室為
 鏞隱之地而居之官滿舍為寺李敬仲洞溪十詠
 棲翠標名直至今洞門寒浸碧沉沉一天星斗難藏
 潭萬古魚龍識淺深波起勁風疎噴雪岸偎高樹密
 垂陰凝虛澄象無盈溢合是淡交君子心右翠潭昔
 人卜築向深蘿幽徑閑門客少過寒覺片雲生棟宇
 靜聞孤鶴下庭莎竹窗曉放茶烟膩火焙春收藥氣

多一榻無塵夜生白不妨欹枕擬高歌右青室壺中
 何必訪高奇遠澗穿雲人翠微曉艷深藏樵客徑露
 香濃滴釣人衣風回片片隨流水雨霽枝帶落暉
 更有閒游難到處花間誰見隱仙歸右桃源碧嶼琅
 玕盡占幽孤烟輕翠瞰中流風敲清籟向深夕雨洗
 疎陰出素秋新籜委苔霞片墮淡筠經雨粉痕收當
 初好翫人何在萬古蕭騷送客愁右竹嶼憑枕磷鏗
 逸響清寒樓長見有雲生天回霜月淒涼處誰愛絲
 桐向此橫魚近翠根猶斂魄鶴翹孤影尚凝情不知
 亞尹千年後更有何人續正聲右琴石疊荒涼古
 釣磯長潭映帶占清虛只因傲世能輕祿未必投竿
 酷愛魚雨笠曉偃苔蘚合烟蓑秋倚薛蘿疎若教呂
 望於今在不獨蟠溪是勝居右釣磯疎窗虛棟駕崢
 嶸天氣銷回萬象清迥深薛靜攤隨步武淺峯相亞入
 檐檻寥寥鐘鼓殘秋迥黯黯燈光永夕明此處誰知
 閒意度白頭禪客自經行右虛廊漱浮深過幾年
 古今長見去潺湲秋陰瀉倚石任喧禪蘭亭逸少來
 圓孤客維舟嫌聒夢高僧倚石任喧禪蘭亭逸少來
 茲地堪與流觴會列仙右響瀨壁立凌空目渺茫峨
 眉曾見匪尋常洞門高出寒稜正水面橫鋪片影方

野客手題文字溢嶽僧身靠衲衣涼雲磨雪洗花顏
色不羨梁元古畫張峭壁卓異曾分造化勞神仙
占得稱游遨濃嵐畫鎖巉巖黑碧落秋晴突兀高雲
母徑深穿頂滑翠珉稜健把根牢白雲南面長流水
開見藤藤下渴
採右崎石巖

青田縣

擁青軒

宋紹興初縣令楊簡

點易亭

在縣西北山巔

易元宗有滴露研朱點周易贈句故以名亭久廢康
熙甲子知縣張皇輔尋故地於蔓草間復構記見藝
文徐鶴齡詩會見清溪道士無高亭空說露研朱
羲皇心地憑誰點獨抱先天太極圖端木國瑚詩清
溪古道士讀易混元山中松子粒幾代成蒼顏觀
化復何已雙鶴騎上天至今宴坐地朱研苔花斑亭
空風露滿音響難追攀石見一亭在縣東儒學後山
壁墮雲象無人知大還見一亭在縣東儒學後山
石壁其平如削高二丈許水從石裂中出清冷不竭
上鐫界石泉三字後山有石榻可坐上鐫必義臺三

字八角亭

在縣南宋

石門洞書院

在縣西七十里初

歷唐迄宋名公勝士經遊題咏為東吳第一勝事清
熙九年宋朱文公持常平節按行嘗有汶上之興元
至元三十一年廉訪分司副使王侯按節至洞前太
學進士劉若濟因請建書院王委路學教授吳夢炎
縣尹王麟孫集邑里耆謝客堂在石門洞先是洞未
運蠟屐來遊好事者景慕高致秦學士祠在慈仁院
遂作堂繪像祀之扁曰謝客堂秦學士祠在慈仁院
秦觀謫監處州酒稅時訪曇法師後與曇別贈詩有
緣盡山城且北歸之句又嘗為曇師真贊異時院僧
以名賢故蹟因繪像立祠於院嘉泰間郡問鶴亭在
守胡澄訪其遺像遂取以在刊石郡齋郡問鶴亭在
治東軒轅邱最高頂仙人壇在縣西北七十里巖
今廢軒轅邱最高頂仙人壇在縣西北七十里巖
人煉丹於此混元書院祀王守仁會心極書院明知
龍瑞書院明知縣徐鶴山書院明主簿建懋霧亭
今廢瑞龍書院明知縣徐鶴山書院明主簿建懋霧亭

縣在石門洞知劉誠意故宅在九都南田山近武陽祖
 二福地南田居其一誠意伯劉基世居此古稱七十
 詩先生本醜儒所皆儒術惟幄祕英謀大要六經
 出陰陽識緯家害道同楊墨星氣蠱秦皇不救二世
 失漢儒引符命覲觀啟亂賊以此推先生俗人誤耳
 食明祖昔禮賢干旄在巖穴同至四先生原啟後正無
 屈並以禮學徵良由稽古力忠孝有本原啟後正無
 或遜國長吏殉豈惟子善述我來古木森豐碑字不
 實遺書尚存雜糅無所及祠堂莫如君乃謂子房
 滅去就世所疑迹與幸野一知臣莫如君乃謂子房
 匹功烈或相當未可語同日惜哉漢留侯語怪祠黃
 石鳥懸崖疑蜀道鳴雞深樹有桃源隴頭水漱嶺根
 飛霧脚風生雨一祠屋武侯嗟異代空山何處聽
 微言端木國瑚詩雲圍石圃萬峯稠水繞平田百澗
 流林靜四時遺鶴羽山深五月有羊裘移家好逐葛
 仙去棄世誰從松子游歎息武鄉歸未得南陽零落
 草廬芳墅有黃巖山下有芳墅宋高宗選如洪氏賜第
 秋廬芳墅有黃巖山下有芳墅宋高宗選如洪氏賜第

縉雲縣

多栽荷勝志青新甘雨亭本名問丹在縣三坊昔賢游
 亭嘉慶中孔令龍章禱雨輒應改今名同鄭汝諧故
 治元年燬於兵十二年知縣王承霖重建鄭汝諧故
 居在縣東百步花園岡最高處為宓戲臺西為中天
 為介石泉摩崖五處縱橫篆文

黃帝祠唐邑令李陽冰手篆黃帝祠宇四字胡志通
 雄奇玉柱貫金鈕瞻茲黃帝祠運畫出神授想當落
 筆時雲夢吞八九每傳風雨後蜿蜒龍蛇走光怪發
 山河塵氛透巖竇鬼物若搗訶一旦忽失守隨烟遠
 飛騰無復世間有偶訪山中人搨跡幸仍舊我欲再
 鑄之祇恐獨峯書院縣東二十三里仙都獨峯前朱
 難運肘獨峯書院縣東二十三里仙都獨峯前朱
 山水清絕有似武夷常賦碧澗修筠似故山之句又
 有於此藏修為宜之語嘉定間郡人葉嗣昌始創禮

毀為講肄之所咸淳七年邑人潛說友即舊址廣而
 新之洪武間為知縣朱成遠所毀國朝同治十二年
 年西南鄉**美化書院**在縣東六十里今鄉以美化名
 士紳建復**美化書院**朱晦翁嘗講道其地嘉熙間縣
 令陳大猷以俸易其地欲躬書院未就代去後於
 實嗣成之元至元間毀山長黃應元重建大成殿於
 舊址山長周仁榮重**縉雲臺**在縉雲山劉澄山水記
 建兩廡殿門今廢**縉雲臺**黃帝煉丹之所今廢址
 尚**倪翁洞**在初陽山即陽谷洞相傳有倪長官**隱真**
 存為昔賢**劉巽亭**縣南龍津橋上宋**共亭**在縣東五
 堂處靜築**巽亭**御史詹適宅今廢**共亭**在縣東五
 中宋慶曆四年縣尉毛維瞻建取松竹風月巖沼徑
 花之屬為十題示與眾共之意詩東南好山水好處
 盡樓臺若使凡流處寧容好事來行人駐車**阮郎亭**
 馬此地若塵埃但有登臨興師門不厭開**阮郎亭**
 縣東七十里**駐鶴亭**仙都山忘**照水亭**仙都山放
 阮客洞側五十步吏隱山唐李陽冰遊憩之所有陽
 歸臺冰篆書忘歸臺銘疊嶂迴抱中心翠微隔山見

川溝塍如棋環溪若林春迷**忘歸亭**縣東仙都山回
 四時曲成吏隱可以忘歸**忘歸亭**縣東仙都山回
瀾亭仙都山金**孝義亭**為孝婦陶氏建**背山亭**桂山
 元邑人范**嶺芳軒**在仙**窪尊山**即史隱山李陽冰鑿
 杞孫建**嶺芳軒**都山**窪尊山**巖為窪尊而飲之刻
 窪尊銘舉瓢自挹既挹曰再方飲曰舉飲卒曰罄不
 再有日觥按歐陽永叔集古錄跋尾云古忘歸臺
 銘李陽冰撰并書及孔子廟像城隍神記三碑並在
 縉雲其篆刻比陽冰平生所篆最細瘦世言此三石
 皆活歲久漸生刻處幾合故細爾然時有數字筆畫
 特偉勁者乃真跡也獨窪尊銘不與焉至跋元次山
 窪尊銘則云古窪尊銘元結撰瞿令聞書次山喜名
 之士也其所有為惟恐不異于人所以自傳于後世
 者亦惟恐不奇而無以動人之耳目也觀其詞翰可
 知矣惜乎次山之文不載或謂陽冰之撰乃次山之
 文但陽冰在元宗德宗之朝次山乃代之宗之時恐未
 必然姑錄於此以俟茂先胥臣輩辨之舒元與篆
 書云秦李斯作玉筋篆更八世無出其右唐開元李
 陽冰窮入篆室獨能隔千年與李斯相見其格峻其

力猛天以字實瑞吾唐問漁亭前今廢醉月亭前赤巖
 美其篆法之工如此散客愁亭虛青嶂合溪近白雲流篆
 李陽冰吏隱亭散客愁亭虛青嶂合溪近白雲流篆
 建今廢迹迷荒徑窈窕尊識舊遊獨雨松亭二松都洞天側有
 數十年間每晴日當午雨點滴德年松詩雲窟盤根幾歲華斧柯誰信敢相加塵寰
 悼雨松詩雲窟盤根幾歲華斧柯誰信敢相加塵寰無復晴天雨俗道非將犯斗槎荒院月明猿有淚古
 壇雲靜鶴無家青牛一去元墟無消息洞裏仙人溼紫霞元墟即劉處靜墓有自作
 月十有二日委羽林仲謙子炳書問元墟所在吳汝舟曰幸不川移谷變旬日與陳邦衡伯明沈烈
 年八十有八披荆莽得之矣子温同謁計去隱真三百十七年矣
 志劉處靜元墟墓誌銘余源承大漢派志劉處靜元墟墓誌銘余源承大漢派
 緡郡之遂昌鄉若樓得里住温恭世奉儒宗不求聞達心存猷畝性好林泉知數知斗讀易問禮將期升
 粟以養甘脆因澤畔持竿有傷于吞餌林間設網乃

誤於置羅况才匪經邦術無濟世知艱而退自保遙乃滌去紛拏歸淡泊心宅身雲岫遊神宵冥經謁
 五干籙遵三洞陟天台而躡華頂望滄海而睇神州眺賜谷而對扶桑吸雲霞而吞紫氣因還故里息爾
 仙都探安期之舊蹤封軒皇之故跡鍊金溪畔足以濯纓緡雲山中尤宜養志因斯考室宕濛養真性甚
 疎慵修習不至樂天知命一任自然年踰從心安得長久不敢比歌于梁木輒思記過於明夷升騰何期
 歸土有日預築元墟將為永室時唐咸通十四年歲在癸巳六月甲午二十八日辛酉寅時遭疾卒於前
 齋當日歸封元墟春秋七十有二三其銘曰虛皇降氣大化凝真自合長久胡乃沉淪修習不至存思不勤
 三魂高邁七魄下溼此必然之期有始有卒生無益人死何勞神預備博木以掩形嗚臭莫薰天屍無露
 日人皆好生誰不惡死賢愚悉然高卑盡爾日月長烏陰陽定矣物有興亡余今休止隱真東阜卓元孤
 墳高峯映漢聳木干雲烟霞杳靄猿鶴續紛慮川移而谷變乃自作于斯文按自撰誌銘卒日葬期何
 人填注松壑亭勝元黃縉呂伯良時遊詠於此
 無考

翠臺史隱山 釣臺縣南 毛巖左邑 將臺二十七都南

阮鶚 競秀軒在仙 煉玉軒在仙 志通詩曉誦黃庭經暮歌

紫芝曲客欲養童顏軒中勤煉玉羽衣結落 金蓮館

霞青鬢縮雲綠功用積勤遐舉易追躅 按縮志巖門

在仙都元禮斗臺在白雲嶺 潛說友別墅外為東小山

虞集書額 天際樓明延平訓導樊阜舊居蔣薰

二里即螺絲巖 留素堂集壬辰客燕將出都

拾名山作卧遊京景物略賦詩曰擬從天際結高樓收

則天際樓在焉若吏隱翠凝叢桂金紫九盤五鳳宅也

台客星諸山或倚或拱近接几席是可卧也可游也

秀水朱彝尊詩高樓上浮雲故人周景復故居縣東

曾此任何處問歸舟惟見雲中樹 周景復故居鏡東

陳伯明讀書堂在仙 五雲館一統志在縣北聞見錄

雲館東通台郡 迴峯亭在樊山元 卧雲樓明處士呂

西北接永康 迴峯亭樊祀孫建 卧雲樓曹璟建 呂

伯良讀書處縣西南 觀山樓在好溪南明 溪山一覽

樓明鄭 憇軒在桃花嶺上陸舜詩聽得何戲一曲無

寫雙眉 小仙都別墅明參政李愚谷在吏隱山旁鄭

入畫圖 金華張作楠仙都紀游云九洞都在縉雲

有愚公洞 稱元都祈仙第游云九洞都在縉雲

東二十里道 始與程子質往游沿好溪抵下洋至小

到恬之五年 似有石磴可盤旋而上下臨深潭如半

赤壁峭立千仞 有石磴可盤旋而上下臨深潭如半

珪倒浸壁影蕩漾眩目復過合掌巖妬婦巖觀航石

循溪而東見紫石簇簇如芙蓉萬朶亂撲眉曉日芙

容嶂一鏡出如虬髯如象踞如馬躍如猿攀巖難名

院妙庭觀故地不可得遂渡練溪登羣玉臺五老峯
時夕陽已銜山迴望來途白雲四合矣次日遊初陽
谷谷口為金花潭有青蓮石稍進為洞瀾橋半壁池
旁有石門劈厓而進為上山初枕嘉慶庚申蛟發巨
石下墜門閉今游者從門側石裂處伏地蛇行數丈
許始得石磴攀蘿百級至陽谷三字尚存餘多宋元人題名
康做李陽冰篆初陽谷三字尚存餘多宋元人題名
左為憑虛閣曲折幽邃隔絕塵境仙都諸勝元人題名
一盤桓久之始從玉甑山而歸明庭云遊人浮慕仙
暇欲以窮日盡其勝即應接衣帶前猶不能一瞬何
遺誚山靈已畧得其概矣

松陽縣

舊市 縣西二十里原松陽縣故址唐貞元間始徙
善書院 在舊市宋淳熙九年朱文公為浙東常平使
書院祀之元至元二十一年前太學進士蕭子登復
興之元末廢弛惟存大成殿又舊有御書樓擇禮館

祭文館萬壽亭今並廢
長松館 在縣治東今城隍廟為
縣西三十里放生亭 溪傍今廢
手詔亭 在儀

在縣宅 縣志通志引名勝志在松陽縣舍黃鎮
周種秫亭 詩有田不種秫往遭婦責女子竟何知
吾心固不擇折腰來作吏一飽定易策初當插秧青
供祭與餉客公田二畝餘種秫乃前策初當插秧青
便擬浮甌白相將小槽頭溜溜聞夜滴古來有奇士
愛酒輕百謫嗟余惟不嗜一酌甯復索名亭恐無實
遠愧陶信美堂 通志引名勝志在縣舍黃鎮周詩干
彭澤 信美堂 名本代耕作邑反惆悵舍黃鎮周詩干
篠役急丁帳輸粟無停時官軍待餉餉平生仁愛心
漸負周知向愁來置簿領小圃聊放曠適當初夏時
景物和且暢竹色晚更深鶯聲老逾唱安仁何當歸
落日銜青嶂茲堂信云美吾獨增浩唱安仁何當歸
風旆正 衆芳亭 樂意亭 奎文坊 青雲坊 今並
飛颺 志 甘露堂 在縣東光華門外為迎東臯亭 嶺下
志 甘露堂 春之所 通志引彙記 東臯亭 嶺下

山亭 在南巖唐會昌間建東有抱膝亭又寒巖亭

見山亭 並在大觀亭後改爲小吳亭可眺遠

名蟾峯閣 有**凌霄臺** 在縣西西屏山上名勝志載沈晦

宅 在上方山名勝志載宋狀元沈晦堆垂雲巖諸勝沈

翁投 上方居詩天畔羣山一草亭半溪烟雨花冥冥老

睡連 山松檜雨琅琅俱通志

遂昌縣

蓮花漏堂 縣廳之側宋隆興嘉瑞堂縣廳之西宋嘉

政邑人潘對吟軒 縣廳側縣丞舊學址在縣西今雙

材爲記 韓允寅建

增卑培 高移閣其上名曰雙峯以增文筆之秀縣尉

米正大 建邑人張舉春亭百步一結駟亭百步二鎮

貴謨 記今並廢

守司 縣東畔今廢

其地 一夕陷爲湖舉家溺焉鄉人祈禱有應紹興初

猶有 柱端在水以贍學存其中之深者五畝爲靈跡

底今 湮壅無幾相圃書院在眠牛山麓郡守任可容

詩云 南浦雲呈彩臨川筆有花文章光射斗氣節直

凌霞 豈效轅駒促甯同伏馬諱朝陽鳴鳳鳥窺井笑

天涯 白晝閒琴席青山到縣衙春風吹杜若秋水映

兼葭 共道河陽令來尋勾漏砂新風除陋習問俗起

陽斜 相圃依山麓經樓鬪物華藏書名並美觀德事

非遐 此目求龍種他年羨兔窟育才方植李報政已

古蹟

十三

逾瓜五斗隣元亮朱絃過伯牙祥鸞栖枳棘良驥伏
 鹽車合浦還明月延津會莫邪弓旌應不遠遷客漫
 與放生池在儒學東兩堤間西接官塘煉丹井在瑞
 嗟時有異人煉丹得月亭舊址在
 於此丹成而去近遊子倦躋清華古閣在二都西明
 高詩寶所已在安樂利那閒
 攀努力上復樓極目淵湖一色秋止廓然亭在二都
 來徐步上危樓極目淵湖一色秋止廓然亭在二都
 水無痕青似說月鈎如釣下滄洲
 山雙清閣在四都宿雲亭嘉慶五年北巖畔綠玉亭在
 谷包山下舊名綠漪因湯令詩更今名知縣湯顯祖
 詩平昌此亭能種竹但有此君人不俗非貪翠氣影
 紅粧會與簫聲搖綠玉風漪綠玉暮雲寒瀟湘水色
 清闌干只道于中躍靈鼠那知其上游飛鸞飛鸞窈
 窕龍烟雨包山人此亭主家似渭南稱素封人如
 江上依慈姥何來有客宜幽閒綽約玲瓏君子山不
 妨仙縣移琴曲竹牛頭菴在牛頭山頂葉法善所創
 葉樽中時往還

道侶弈局終擲碁子於地化為石後人於其地得石
 每一卷石中有小石碁子初出土尚溫軟就掌取可
 局一石姥巖言其絕頂出泉為池有二金色鯉魚或
 隱或見又有花芙蓉亭在廟前今廢址存待松樓在學
 一株青紅兩色芙蓉亭在廟前今廢址存待松樓在學
 山義塾道光十七年知縣徐榮移唐山小松數百本
 植隔溪塔山適與樓對額曰待松系以詩樓前松樹
 小於苔若待成龍亦妄哉聊記
 唐山山頂上和雲和霧手擒來

龍泉縣

丹青閣在縣治今廢闕祀詩畫棟飛簷屋數楹上臨
 得最高亭在縣治後九姑山盡得一邑溪山之勝舊
 成最上名曰道菴宋治平初邑宰范純孝嘉其超卓
 菴于最高軒當縣治之虎山陰陽家以為忌故廢之
 易為最高軒當縣治之虎山陰陽家以為忌故廢之
 桂山書院縣西五十里宋端平間邑人張奉建丞相
 吳潛書額元以太學釋褐張宏孫領其事

今廢仙巖書院縣西五十里宋咸淳間邑人章公權 笏

洲書院縣南三十里宋端平三年太學生趙宗璠請

沙洲形如笏故名元至元十五年燬於 蕭民亭在縣

樓簡稅亭在尉司之 季農師墓在縣境農師晉時人

南稽農師導以播種之方民食遂給吳越王 三賢堂在

賜號農師今子孫歲時祭祀祈禱不絕

峯寺宣和間邑人為邑令沈希稷并監考場攝 籍桂

承陳泗國學進士葉植立事見名宦 沈希稷傳籍桂

堂在縣治東宋治平間因邑中五人登科建 留槎閣

在縣治南濟川橋上宋蘇軾書榜陳舜俞題咏時謂

閣之雄偉字之遒勁詩之警邁號三絕 知府許國

忠詩云誰駕飛梁遠客槎一溪烟水隔繁華與君共

倚危樓望翠巖蒼崖遶萬家城市山林接惠橋留槎

高閣欲凌霄曉來忽散千峯雨觸石衝風起怒濤

訓導胡堃詩槎洲一片河橋西槎上建閣眉山題洪

流震蕩風浪湧此槎高與波濤齊沙痕逐水共消長

中流砥柱分雙溪坡仙足跡未到此舜俞傳述工摹

擬髯蘇撫掌稱得之桑田滄海千年矣探源星宿思

漢家此毋乃是張騫槎當時棄擲東海畔隨流直上

龍淵沙如椽大筆喜題額留槎二字名非誇字跡湮

沒閣名著夜來貫月生光華我家武林數名勝湖波

如鏡雙堤映樓臺楊柳水心亭神仙宮闕蓬萊境彼

借人工此天造千秋萬古沙橫亘又聞海上三神山

風雨離合頃刻間三山可望不可到珠宮貝闕難躋

攀不如此閣凌絳霄春波圓折停蘭橈槎上登臨閣

上望夕陽金古龍潭在縣前鼓樓西南平地古木陰

詔亭 在縣書錦坊內 疊嶂亭 在集福院 忘機亭 在崇仁院 止戈亭 在縣南

里 雲水驛 在縣東百步綠漪坊 梧桐驛 在縣東十五里 大石驛 去縣五里

荆室館 在縣東觀光門外今並廢 苦齋 章溢讀書處在匡山之巔 記苦齋者章溢先生有苦魚苦蜜詳風土志劉基苦齋

以茅在匡山之巔建溪之水出焉山四面峭壁拔起 巖峭皆蒼石岸而白中其下多白雲其上多北風

從北來大率不能甘而善苦故植物中之其味皆苦 澀而物性之苦者亦樂生於斯食之可以清酒山去

人甚遠惟先生獨得其樂趣遂擇其巖而室焉先生 之言曰樂與苦為倚伏者人知樂之為樂而不知苦

之為樂人知樂其樂而不知苦其苦生於樂故孟子曰天 將降大任於是人也必先苦其心志趙子曰良藥苦

口利於病忠言逆耳利於行彼之樂吾之苦而彼之 苦吾之樂也吾聞井以甘竭李以苦存夫差以酣酒

而亡勾踐以嘗膽而興無亦猶是 劍泉亭 在留槎閣前同治九年

年知縣顧國詔建

慶元縣

梓亭寨 在九都為榮慶 籍桂亭 在縣前舊有亭扁籍 名旁有池植荷花夾岸 手詔亭 在縣南 頌春亭 在縣南

栽楊柳元時建今廢 洗耳泉 在勝隱巷 小蓬萊 補天閣 亭 在縣內放生亭 在神力寺前

程維伊詩中流結屋近芳郊天下無煩論草茅勝地 引人疑海島輕雲扶鶴唳松梢燒丹爐靜春風繞採

藥人歸夜漏敲不信紅塵 脫身巖 空在百丈山懸崖倚 皆俗吏寄言詞客莫相嘲

馬仙修煉於 百丈十三井 半嶺奔雷滾雪流五六里 此有履跡 東溪赤巖三井 壁立如甕流泉

瀉入龍湫注十三井 脫身巖 百花巖 在三都花卉 雲氣蒸鬱隱有龍潛

清冽深不可鏡臺裾水對岸 脫身巖 百花巖 繁盛黃公結 測冷氣逼人

廬其上坐化於此至今石上有鈴刀痕跡

雲和縣

古蹟舊志不載

按雲和立縣始於前明景泰時彙紀

不便彈治疏請割麗水之浮雲元和二鄉之中而沒沒不傳何也即立縣之後迄今且二百餘年亦不聞名人達士勝跡有留遺者此非記載之失傳即殘簡之散軼今必遙而意之曰麗水古蹟何者屬之浮雲何者屬之元和徒滋臆說不如闕疑以俟後之攷覈云

曹明舊縣治

於此今常平倉即其遺址國初舊縣治

在朝陽坊順治三年浣花居

朝陽坊嘉慶十三年知

徙建今爲著溪書院

鳳凰山下明處清趣亭

十株有種

雲谷軒士王海澄別業

竹瑣言

溜冰精舍

使沈暎龍爪石

縣西沙溪莊後平疇中突出五石長

讀書處

六尺許如五指左一石有雲根二字

其旁小字缺

瑞柏石在學署前康熙間修學宮柏更

沒荆莽道光元年訓導王武錫得石後圍有瑞石圖詠是年廩膳生魏文瀛登鄉薦按雲和置縣距今三百餘年有明中葉及國初以來建置興廢均闕掌故自應列入古蹟俾有攷證雍正曹志闕疑以俟茲照咸豐縣志擇要登載

宣平縣

馬蹟壇

在山坑五里唐天師葉法

元八年卒道藏葉真人傳云法善在景隆觀託疾潛

服神丹化劍爲尸勅葬括蒼山未一年棺槨忽開惟

存劍履桃花洞

在東巖有石室深廣清風峽在東巖上

闊五丈餘深可百餘丈

丹井在冲真觀世傳葉法善

清風疾來四時不息

古蹟

宣平縣志

卷之九

十七

士吳師正所鑄形巨質良城中火患撞以警衆粵匪
蹂躪樓毀鐘陷土中近邑人建復秦觀題法海平
閣黎詩寒食山行百鳥喧春風花雨暗川原經旬移
病依香火寫得彌陀七萬言案牘蒼彙紀列此詩
於法安寺今從淮海集更正又留別平閣黎詩上重
山城且北歸此生相見了無期保他日蓮花上重
說如今結社時指月錄立禪師處州人住法海寺
宗草本寺作神霄宮師陞座謂衆曰更僧住寺作神霄
佛頭添箇冠兒有何不可山僧不免橫擔拄杖高挂
鉢囊向無縫塔中安身立命於無根樹下嘯月吟風
去也擲下拂子竟爾趨寂郡福林寺在自雲山唐雪
守以聞詔仍改寺額曰真身福林寺在自雲山唐雪
福林澄禪師卓錫於此元縣人吳德太新其遺址延
僧以假住持有柳資撰空中禪師塔銘至順元年萬物良緣
也又有宋濂白雲禪師塔銘及至順元年萬物良緣
碑寺屢燬於火住僧景林募建未就卒縉雲樓真寺
僧達智踵成之近經兵燹復又摧殘剝落按舊志
作白雲寺至正辛未額曰福林麗志稱福林之在白
雲由來已久非元代始建致至正亦無辛未今照麗
志更正 稻蒼彙紀空中樓禪白雲山四方之侶聞

風來赴履滿戶外至元丙子一日授筆書偈曰地火
水風先佛記掘地深埋第一義一免檀那幾片柴二
免人言無舍利踟躕而化稽古續錄智度號白雲麗
水人姓吳年十五投禪智寺空中假公薙染受具深
習禪定達旦不寐者三載於白雲山築舊福林院以
居與毒種曇光成山欽公互相策勵洪武二年詔徵
天下名僧師豫焉還居虎跑復趨華頂旋回福林沐
浴易衣書偈而逝括蒼彙紀白雲禪師薙髮游七閩
諸山還定居白雲胡深嘗造問之曰滅却心頭火特
來參老禪師以機鋒語應之深怒欲割刃師曰心頭
火未滅畧撥即生烟深愧謝復問師曰若問前程事
古月落西川後深征陳友定戰死西陽林富詩山上
禪門寂不關白雲野鳥共高閒誰知紫綬金章客興
在清泉白石間境爲通幽忙亦愛峯於最上倦猶攀
詩成愧我當官去又促肩輿問市寰張寰詩高峯深
處扣禪關百轉籃輿意自閒飛瀑長鳴深澗裏蒼松
半插白雲間早春遊辦登臨費遠嶠徐從杖履攀高
况不隨多病減野情久已隘塵寰許國忠詩蓬壺高
倚白雲隈九日重邀仙侶來疊嶂晴光窗外閃平原
秋色掌中開貪看松菊頻移席笑摘茱萸數舉杯明

月共憐今夜好樓頭莫惜漏聲催韓錫昨詩平野扇
 涼風山光得秋態上攀青霄行下受遠山拜洞壑歛
 已開松杉翳其內池冷天清虛寺古金瑣碎諸佛相
 莊嚴定寂忘知慧方丈映苔竹鬚眉亂蒼翠香茗滌
 塵心清供分道味十年游興積於今
 始一遂豈必武陵溪縹緲乃世外
 雲坐慶元建國朝熙熙十三年閩變折毀寺莊田二
 頃坐慶元縣七九兩都僧永明募捐先建僧舍三間
 志舊壽甯寺府北八里唐咸法善寺府西五十里朱
 普慈寺府北六十里吳大雲寺府北三十里朱梁定
 光寺府西五十里宋治觀音閣府西南
 里宋太平興國能仁寺小栢蒼山唐佛日仁壽寺南
 二年建今廢縣志元至元中燬於火大德中
 山宋乾德三年建識繕完修葺復成崇構范銅爲
 重建歲久傾圮僧達南明之游者咸憇於此青田端
 鐘撞之聲徹林木爲南明之游者咸憇於此青田端
 木國瑚寄仁壽寺僧詩昔訪高陽洞題名在石梁盤

陀行脚穩瀑水洗心涼松月夜牕曉山
 鐘秋夢長廿年塵事隔爲憶贊公房
 天寶元大安寺尚每日騎虎出門至溪津叱之還徒
 年入城至晚虎候溪瑞相寺石僧山五代漢乾祐二
 步載還山以爲常斷崖蒼蘇卧枯槎但知有酒可
 詩霜落寒溪褪淺沙短景路長人跡絕遙天風急
 留客何事無鄉苦憶家短景路長人跡絕遙天風急
 雁行斜試憑金地舒愁多福寺府東二十里後廣福
 眼看盡歸鴻入暮霞
 寺一在三巖舊名壽聖隆興元年改今名國朝康
 雪亭劉涇詩混成初造物幽絕故離羣入戶清容月
 分栖淡借雲木陰闌暑氣泉滴厭秋聞欲索秦人記
 消磨篆不文李能詩玉峽何年劈作三至今勝跡鎖
 烟嵐鳥飛花雨落巖竇龍起風雷繞石潭留供禪僧
 參玉版聽經山鬼護琅函晚來更覺多佳趣兩耳松
 聲酒半酣張敦仁詩何處尋幽勝西山石洞陰懸崖
 飛瀑細野徑薜蘿深橋斷方通沼亭危倚碧岑與豪
 歸路晚明月照長吟一在城西四十里碧湖亦稱碧

石晉天福三年賜名舊	誤成化照縣志更正	五里宋乾	德元年建	元是年國興三年案金哀宗於宋端平元年改元天興	勝因寺	買宋葉樞密舊經堂在	黃靈橋南大德間建	秦觀謫監酒稅晏法師為結菴居之秦觀詩竹柏蕭	森溪水南道人為作小圓菴市區收罷魚豚稅來與	彌陀共	一龕	梵安寺	常樂寺	建聖壽寺	孤大母林氏年七十妙真亦及笄自誓養母終身林	葬疾妙直泣禱於天已而林果瘳後三歲乃終妙真	墓於所居東遂不復嫁從浮圖學建立菴廬以守林	元至正初事聞於朝旌其門曰孝女月給餼廩令
府西南三	府西南三	府西南三	府西南三	府西南三	府西南三	府西南三	府西南三	府西南三	府西南三	府西南三	府西南三	府西南三	府西南三	府西南三	府西南三	府西南三	府西南三	府西南三

承歲時視之名所	居菴曰孝節菴	河元妙觀	名洪武庚午毀	天順間修建	間改今名元至元二	豫章洞天然圖畫亭	前青楓綠柳暗晴川	水船雲氣長留虛白	蓬萊在那邊	府東北十里望城嶺下	於此丹井在焉唐道士	天寶二年建名紫極宮	今名觀得溪山之勝	鍾呂二像至元十四	重建有來鶴留鳥二	為之記劉伯溫王表			
亭雲菴	乾道二十里	府東二十里	府東二十里	府東二十里	府東二十里	府東二十里	府東二十里	府東二十里	府東二十里	府東二十里	府東二十里	府東二十里	府東二十里	府東二十里	府東二十里	府東二十里	府東二十里	府東二十里	府東二十里

在少微山側原在懿德鄉至元間盡蕩於洪水洪武三年徙建於此今廢

音堂北泗州南觀音堂門外壽甯禪院崇貞即其寺

建真武廟錦山好道廟縣東十里宋靈鷲寺在城東

始建無攷前列四塔有嘉祥符間建佛頭巖塔縣東五里明萬

定九年及十一年欵識

建知府任可巾子山塔南明山東南始建無攷道光

容踵成之

青田縣

福勝寺壁詩兩歌涼初定熒熒共一燈城荒官似客
夜承夢依僧壁帶前朝翠堂連古棲霞寺縣南二里
寺藤潘輿憶何處茲夕望偏凝
建端木國瑚宿棲霞寺詩十里烟光抱寺回黃昏林
影帶莓苔雲依野鳥巢邊宿月上山僧塔頂來酒局
風流淮海客茶瓶清淨雨花臺坐
深不覺葛衣冷池上白蓮秋正開金田寺縣北五里
宋太平興

國建端木國瑚訪金田寺淨悟上人詩到寺青山隱
風羅一衲涼天光平石几松子下雲廊雀食忘機外
蟬鳴引睡長來參米淨覺寺縣東十里唐壽隆寺縣
汁佛隨意竹方牀

十里宋人崇勝寺梁鳳歷間建天福寺縣東十五里法
陳仲清建

昌寺唐大中間建梵宗寺縣西十五里悟性寺縣東
里唐大

中間建慈善寺宋寶祐間建正因寺縣西四十里福
延寺唐龍紀間建真隱寺周顯德間建淨悟寺縣西

五十里唐多福寺縣南五十里大雲寺縣西六十里
大中唐

韓錫野詩喬松環層岡路轉松仍晦寒濤雜秋澗激
越鳴野碎老僧皓鬚眉瘦鶴聳肩背從容問居族太
古金瑣代云結蓮社交衰頹吾尚在乃祖最高迴茫
息閱時冠拜十笏更端蕭起對指點壁間句墨
茫三十載正冠拜十笏更端蕭起對指點壁間句墨
光了無礙雅聲見元始靈風飄大塊遺書嗟未讀為

農漸負耒賢哉古德慈碧紗護警欵以此語世人敦厚誰可遠願依梵課靜晨夕飽清誨君看施食臺交交飛安福寺縣西六十里惠衆寺縣北六十里保甯寺縣西六十里梵巖寺縣西北七十五里吉祥寺縣西八十里梵興寺縣南八十里唐大順間建

里宋開實間建梵興寺春梵興寺詩扁舟謾說似乘槎爲愛春光渡水涯荒寺有僧來種竹石田無地不抽麻數聲牧笛和鶯語繞徑松濤逐浪花今日薰風回草野好攜明月永福寺縣西一百里顯教寺縣西一百二十里唐開平建

真教寺縣西一百二十里性覺寺縣西一百三十里唐咸通間建妙巖寺縣西南一百三十里常樂寺縣西一百三十里唐會昌間建慈仁寺縣西一百四十里妙果寺縣西一百五十里景定間建妙因寺縣西一百五十里顯勝寺縣西一百五十里連雲寺縣西二百里唐大中間建

乾甯樓真寺縣西二百里崇道觀縣西四百步唐天寶間建

邑令陳育甲重修徐時來詩絕塵淨宇坐生涼疊翠深微逗遠香鶴去空壇苔影沒松花風落鳥雙翔端木國瑚詩清溪古道士卻粒此清脩流水聲中坐庭蘿換幾秋天光一丈外鶴語萬松頭世界看人易巖跡留奉真觀縣西七十里無爲觀縣西一百五十里唐天寶間建

福觀縣西北七十里踐雲菴舊名集雲縣北試水月菴縣西北一里石广菴縣西二十里凌雲菴縣南三十里蓮菴縣南環翠菴縣北一里青山菴棲霞寺側景寶光菴縣西元至元間建

菴縣西四十里望雲菴縣西六十里沛露堂縣東二里舊名茶寮

康熙丙寅廣明堂縣南十里清真堂縣西四十里報恩堂縣西一百里圓通堂縣西一百里玉虛宮縣西二里元

至正萬福宮縣南十里元太清宮縣西七十里護國

廟東縣中境廟南縣夫人廟外縣西門胡公廟外縣東門石閣

廟五里東白鶴靈應廟十里西大德廟十里西

縉雲縣

黃龍寺縣西十二里唐乾甯三年建元至元中僧如

山上登臨見遠村樓虛延竹籟崖削露松根晚徑雲

生潤秋池漲落痕高僧宣梵偈跌坐到黃昏國朝

朱彝尊詩黃龍隘口黃龍寺法鼓空臨十里聞故老

尚談元總管成功實倚取將軍蕭條象馬金輪地寂

寞山河鐵券文古往今來永甯寺縣東北五里唐中

意無限仙壇瑤草幾斜曛和二年建國朝

乾隆十八年重建明李棠記縉雲縣沿溪而東三里

一徑折而北由兩山間數百步又折而西磴道縈紆

峯巒迴合前望綺園紺池修篁古木煥霍輝映鐘梵

隱隱穹林中永甯禪寺在焉寺起於唐歷宋中葉為

葉樞密祠僧他徙者數十年宋社既屋迄復於舊寺
之西南有田數十畝先侍郎置別墅課僮僕耕稼為
樂余少隨侍以戲嬉寺僧之好事者相過從甚洽先
是寺為山叢林主僧多四方之遊者迭為之故租入
不時費出無常帑虛窖匱而僧房佛宇寢就墮壞邑
之僧惟高以身任之遂構方丈建兩廡堂殿像設煥
然一新將大有興作而高示寂矣其徒文惠繼之山
門翼然重屋巍然福厨器什百爾皆備又推其餘置
田數畝曰吾師之志也景泰乙亥春予謁病歸自嶺
南頗屏去時事日從童子挈二三知已於山寺是適
環邑之寺無慮數十求其地近而清可以遊燕者無
如永甯僧慧而文惠復即法堂之後構屋五楹中為堂
厭也戊寅冬文惠復即法堂之後構屋五楹中為堂
奉羅漢諸天像東西為軒蓄儒釋書數十卷日吟咏
其中即之者有出塵氣象因扁其堂曰悠然物外士
多為詩歌詠之明年春文惠請曰先師立之難而惠
承之不易冀有述以貽不朽可乎余嘉高與惠之志
而病他緇流之不能高惠其心則又能高惠其業而時之
繼其後者皆能高惠其心則又田之名畝則見諸碑
儒紳亦未必不以高惠視之也田之名畝則見諸碑

陰廣慈寺 縣北三十里 宋乾道二年建 廣嚴寺 縣北三十里 國朝康熙五十六年重建

元吳赤鳥 梵嚴寺 縣北三十里 吳越天壽寺 縣西十里 石晉開運

四年 昌谷寺 縣東南二十里 唐咸通二年建 按縣志

南二十五里 十八都 國朝康熙二十七年重建 唐

朱慶餘詩 但望青山去 何山不是綠 寺幽堪講律 月

冷稱當禪水 落無風夜猿吟 欲妙相寺 建隆元年 宋

雨 天尋師 若有路 終作緩歸年 妙相寺 建隆元年 宋

熙二名 妙昌 國朝康 九松寺 縣東六十里 石 仙巖寺

縣東五十步 唐大 歷元年 建 興教寺 縣北三十里 周

正等寺 縣西北十五里 唐乾元二年 建 國 福昌寺

縣西北二十五里 宋咸平二年 建 國朝乾隆四年

重建 後圯 道光元 年 遷於河陽中 峯山下 朱篴 重建

大智寺 縣東北三十里 建 慈化寺 縣西十五里 宋 興福

寺 縣南二百步 石 荆山寺 縣西南二十五里 石

寺 縣西二十里 宋 賜名 國 延壽寺 縣西十五里 石

今延慶寺 縣東南二十里 唐 崇道寺 縣南二十里 唐

廢 國朝乾隆二 年 常興寺 縣南二十里 周 廣 慈相寺 縣南

十四年 重修 唐會昌六 年 定明寺 縣東南五十里 石 晉 天 福 七年 普

信寺 縣東南六十里 周 顯德二年 景雲寺 縣東六十

舊名 景霄 觀明 季燬於 兵燹 國朝 康熙三十三年

僧 月山 重建 知 縣彭 延禪 改名 為 阮峯 山 景雲寺 乾

隆 五十五年 燬於 火 嘉慶元 年 僧 瑞 溫 重建 道光七

年 僧 啟昌 改建 八年 范 鐘 成 新 佛 像 十六年 又 建 天

王 殿 寺 後 山 棲 真 寺 縣 東南 七十 里 唐 咸 通 二 年 建

西 即 阮 客 洞 禪 堂 范 銅 為 鐘 道 光 二 十 一 年 僧 在

章 僧 誠 明 建 方 丈 禪 堂 范 銅 為 鐘 道 光 二 十 一 年 僧 在

元定創建羅漢樓雕鏤金身羅漢五百尊知縣湯成
烈記其事記曰蓋自金人入夢而浮屠氏之說始興
至東晉齊梁間寺刹且遍天下矣自唐以後凡名都
大縣以至深巖窮谷山水靈秀之地莫不有叢林禪
院精刹名藍結構於其間以壯都邑之傑觀拓川嶽
之靈境為士大夫所遊賞焉雖瘠瘠邑寺院多為處
郡最黃龍永甯其著焉者也縣南棲真寺建於唐咸
通二年在萬山中既遠且僻過客絕少為遊觀所不
及題詠所罕稱而其地實擅一方之勝天柱之峯矗
於上印月之池滄其前花巖環其左笠峯峙其右淵
泉清芳木石秀麗宜乎孕毓靈異提倡宗風樂來檀
施莊嚴寶相矣僧元定於道光二十四年創建羅漢
樓中五楹左右三楹造列五百阿羅尊者像瑰奇詭
俶秘妙精微布金刻栴窮極變化費緡緡之鉅萬募
功德於十方掃枯寂之禪關闢山靈之生面功誠偉
矣觀亦壯焉然釋氏以寂滅為宗則一切法相皆等
諸鏡花水月過眼即空萌心即障又何必侈土木之
崇閎極雕繪之華麗况彼法以戒律為先則於眼耳
鼻舌身意當一概掃除不留餘滓方可精修梵行離
垢超塵又何必勞勞攘攘以募緣為功德哉縉邑民

貧土瘠山路險巖斷橋絕澗隨在而有與其施不急
之工飾土木之偶何如捐有用之錢以修葺橋梁補
築山路功歸實用其費相等功德實百倍焉已然元
定能以一人之力不數年間成此鉅工亦可謂有用
之才具堅定之力者矣吾故普化寺石晉天福四年
建國朝乾治平寺縣東三十里梁真修寺縣東三十
隆二年重建晉天福七年建普福寺縣東五十五里
晉天福七年建普福寺縣東五十五里大明寺縣東七
運元年建澄心寺縣東七十里宋太平仁王寺縣東七
建今廢顯德三年建慧明寺縣東七十里宋大中茶堂寺縣東
建今廢里宋開寶八年建明性寺縣東七十里宋開資聖寺縣東
里宋開寶八年建明性寺縣東七十里宋開資聖寺縣東
朝嘉慶二年僧秀峯重建慧照寺縣東百三十里禪
名寺咸通五年建妙力寺縣東百二里周顯證因寺

古蹟

縣東百三十里石晉天福八年興梵寺縣東百二十里宋端拱二年
 建國朝康熙三十年重建妙庭觀縣東二十八里唐咸通元年壽聖觀西
 年三十七年重建太極觀縣西二十里元至大元年佑聖
 四十五里宋嘉祐二年建觀縣治後唐令李陽冰建元令李思讓重建景霄觀
 觀縣成化間羽士陶松隱復建民孫德剛助田
 崇甯二年賜名夾皇菴縣南六塔院南門外博濟堂拱
 門外宣德間邑宏善堂縣東三里明隱真堂縣步福
 人李應氏建勝堂嶺代興善堂開運四年建觀音閣一名清輝閣在
 花赤劉黑荅歹建明宣德間邑人王以隆王以盛玉
 重建縣東二十三里唐天寶七年建元初地至順
 虛宮二年道士趙嗣祺重修虞集有記見碑碣
 真人廟縣南十里碧山觀音院六都河陽莊道光二玉

松陽縣
 清宮即呂祖廟縣西二十五里六都中峯山下前後
 星登瀛二閣嘉慶二十年建石崖天師祠縣西南二驛潭神祠縣
 南二里凌霄塔在夏瑚山久毀

治平禪寺縣西一里唐咸通十二年改名護國宋淳
 平禪寺延慶寺梁時建淨信寺縣西十七里周萬壽
 菴僧真淨居寺院縣西二里化成寺縣西二十里後壽
 昌寺縣西二十里久廢圓覺寺縣西二十五年久廢廣
 因禪寺縣西二十七年僧藏生修道光間僧南崑復建咸
 豐八年僧法募建法昌寺案舊志誤作法昌寺今從
 三年僧法募建法昌寺通志縣志更作法昌在縣

西三十里梁時建久廢明洪武六年化成寺僧化然
重修楊谷法昌寺詩綠陰繞寺稻苗肥風透長廊暑
力微清靜不堪花外正念講寺縣西三十里唐建中
烏枕邊喚起又催歸悟真院縣西三十里唐乾符間建善因
爲院宋嘉定間僧慈生復建悟真院縣西三十里唐乾符間建
國朝康熙間僧慈生復建悟真院縣西三十里唐乾符間建
教寺縣西四十里建多福寺縣西南十里宋大大慈寺縣南
縣西南三十里覺宗寺縣西南十里宋大大慈寺縣南
石晉天福證聖寺縣南五里梁大淨因寺縣南五里
間建今廢同元年建今廢淨因寺縣南五里
年普濟院縣南十五里明覺寺縣南十二里永安寺
縣南十五里淨聖寺縣東五里周顯玉皇寺縣東十
里今廢淨聖寺縣東五里周顯玉皇寺縣東十
同元年淨梵寺縣東二里南宋淳祐間建胡世定淨
建久廢淨梵寺縣東二里南宋淳祐間建胡世定淨
怒濤奔佛衣全浸綠苔冷石井半留殘雨渾看到虎
蹤知路靜驗來花氣識山尊不妨橡栗供厨粉廊縣

依稀杜報因寺縣東六十里元延昌寺縣東六十里
老村崇覺寺縣東六十里宋淨緣寺縣東南二十五
久廢崇覺寺縣東六十里宋淨緣寺縣東南二十五
今福安寺縣東南三十里宋淨嚴寺縣東北五廣慈
廢縣西三十里梁法甯寺縣南五里梁廣福寺縣南
寺縣西三十里梁法甯寺縣南五里梁廣福寺縣南
宋初妙勝寺縣東二里宋香山寺縣東六十里唐正
建妙勝寺縣東二里宋香山寺縣東六十里唐正
等寺縣北五里梁時建道遙觀縣西一里雲巖之陽
道遙觀縣西一里雲巖之陽
縣東三里爲洞陽山有觀曰逍遙曲徑斷塹人跡罕
及邑官祝釐祈禱舍此殆無所之也令尹張公邦彥
歎其卑陋阻遠思易其地而新之偶得於西北隅去
奉真門半里許有嶺曰望仙林巒四環形如洞門上
有湧泉色白如乳顧謂陰陽家曰地占靈源位據乾
岳樓真之宮無以易此遂以其舊觀爲予院而遷額
建焉庶工雲蒸不逾年而畢嗚呼是非善政得民而

人樂趨之其能集事若此乎予以戊戌東歸觀副奉

事葉冲妙狀其實屬為文以志歲月因為之書

真觀 縣西十八里元至正永甯觀 縣西二十里卯山

法善奏捨莊宅為之有銅鐘乾元二年鑄宋宣和初

方寇焚烈焰中不爍聲亦不殺浮屠百人昇之不能

動及鐘樓再造廣福觀 縣西二十五里宋治平元年

女真觀 縣西二十八里 天真觀 縣西三十里唐景福

觀 縣東開明道院 元至正有道觀 縣南十里宋妙有

道觀 縣西百步久廢 希夷觀 縣西十里 真元道院 縣西一里東林宮

縣南百步元壽昌通天宮 縣西三十里久廢 延慶寺塔 青

雲塔 縣東十里明萬歷狀元塔 在城 五福社 城東赤

塔 在南門仁壽坊塔 在城北 亭內

遂昌縣

報願寺 縣東陳天建元年建宋大中初賜額元初圯

令僧募建後殿復漸傾圯 國朝康熙間僧永準重

建并建山門雍正間建造三官堂乾隆間僧永準重

修鐘樓謫出遇警鳴鐘集眾以救闔邑 崇教寺 縣東

聞聲 按陳宣帝紀元太建誤作天建 興覺寺 縣北五十里

里唐會昌定光寺 縣西百步唐興覺寺 後唐長興二

六年建 安福寺 縣西七十里五代時建吳世涵詩古寺人

建雲漲雙池白山餘五代青 淨明寺 縣西四十里宋

道心誰共證門外稻花香 太虛觀 在縣西象岡東樓山下唐乾寧二年建久圯

邑人俞颺記載藝文 慈福觀 縣北二十五里 延福

觀 縣西二十五里 廣仁院 縣西會山下唐乾甯元年

元至正間建 古蹟

遂昌縣志

卷之九

三十一

貫益重建邑人周池詩石泉飛玉出雲端翦翦輕風掠地寒寄語籃輿須緩進欲留山色靜中看委蛇細路入蒼烟萬壑松聲響夜泉怪得妙法院縣東十五詩情清到骨尚餘殘雪隱山巔

三年隆因院縣東十五里唐乾寧元年建按隆因院鐘高約五尺款五行正書嘉定十四年劉運幹捨現禪宗院縣東二十五里勝居院縣東存縣學詳金石禪定院縣北六十里唐勝果院縣西七十里唐咸通禪定院長興二年建

三年金田院縣北百二十里寶光院縣西百二十里建唐長興二年建

靖院縣北百二十里惠眾院縣東二十里梁延壽院縣北二梁大同白佛院縣北三十里梁慈濟院縣東二十里元年建晉天福間建悟性院縣東七里周保甯院年淨梵院縣北百里石顯德元年建

縣南五里錢氏崇梵院縣北十里周崇教院縣北三寶正二年建顯德五年建

周顯德香嚴院縣西四十里周顯德五年建宋邑人到上方山近白雲歸古殿風高黃葉響空廊敲門僧踏梅花月入夜猿啼楓樹霜夢醒不知窗日上時聞經磬出翠峯院唐山五代時僧貫休建後崇孝院縣松堂普澤院縣東三十里宋勝因院縣東三十五里三十里尹氏故宅舊稱勝仙殿國朝乾隆間金川院縣卽尹氏故宅舊稱勝仙殿國朝乾隆間金川院縣僧信儒募建道光十一年里人重建奎閣

長興二年建妙高院縣西五里元寶嚴院縣西二十里興二年建白馬宋咸平二年建

國朝康熙年間僧青雲重修宋亡時文信國會寓宿寺中題詩寄慨紙墨真蹟年久猶存教諭陳世修題文信國墨蹟後云西郊精進寺泉石深秀暮春望後往

游信宿禪房寺僧了悟出文信國墨蹟紙似羅紋歲
久塵侵色微黑長八寸許闊尺餘書曰夢破東牕月
半明此生雖在只堪驚一春花裏離人淚萬里燈前
故國情龍去想應歸海島雁飛猶未出江城旅愁多
似西山雨一任蕭條白髮生右夜起一律文天祥題
并書共六十七字題字上有文山二字小印書法秀
硬正氣弈弈按公自伯顏軍逃歸時二王已至福州
公間關至温州龍去雁飛一聯疑是時所作甌括地
連宜經歷至此偶題寄慨了悟寶此以鎮山門遠勝
金山寺坡公玉帶矣詩云我昔曾見摩崖碑芒寒色

正忠義垂平原以後惟信國兩公異代支傾危信國

大節光史册法書過眼雲烟沒揭來山寺愜幽尋五

十六珠光夜發側理黜黑印沫紅弈弈生氣日貫虹

神物何緣忽墜此雁飛疑在甌江東本穴世界公柱

石遺民錄載宋亡鄭所南顏其室曰本穴軍國平章

藉謀畫一朝出使感庸言公身北去君銜壁艱危賴

有許從行杜許從公北行事計賂守夜劉老兵夜得

官燈共亡命間關海道達江城龍去倉皇歸不再北

望山河都破碎徘徊中夜拔劍起淚落征袍歌當慨

崖山詩與正氣歌此詩情景寧爭多大水茫茫烟霧

隔六丁攫取藏山河國家養士應食福試看寶祐登

科錄忠節居然萃一榜首列從龍次謝陸宋寶祐四年登科錄

第一甲第一名文天祥字宋瑞小名雲生小字從龍

陸秀夫見偃曝餘談及筠廊偶筆心丹不愧汗簡青遺墨無多炳日

星山僧藏弄神鬼護等大無工十空經鄭所南著大

一卷造語奇澀蓋空字去工而加十寓為大宋見寶

顏堂筆記乾隆間僧永準徒文錡建造五聖殿嘉慶

五年山水湧漲沙塌石崩殿宇俱被漂壓冲塌僧月中僧廣雲重建永福院縣東二十

二年安和院縣東七里元金仙院縣西百四十里無

相院縣西百一十里資壽院縣北普濟院東阡元通

巷縣西二十里廣福堂縣治右明萬歷間建咸豐十

會雲堂縣東塔明善堂西門妙智禪堂濟川紫極壽

光宮瑞山麓唐葉法善煉丹地舊有宋徽宗御書碑

詩經年法直通幽乘興還為帝里游符筆共傳神

水妙服章新學紫雲浮上清地勝猶能到温谷身輕

肯暫留歸去為言梁范客故情長憶好溪頭王養端

詩眠牛峯抱壽光宮紫極宏開綠樹中脫屣不逢章

道士揮毫猶說宋徽宗丹爐火伏龍初卧碧海書遲

鶴未逢欲拂風塵了蹤跡負蒼蒼石待黃公朱應鍾

詩仙境通靈室林香落斷霞鳥啼丹洞竹人掃玉壇

花上土譚元秘名山貯法華塵羈如可脫從此覓丹

砂王鏌詩井氣蒸雲溼石欄白頭道士自黃塘廟

燒丹開門風帶琴聲出一陣松花滿醮壇縣南

君子山麓明萬歷間建國朝天師廟縣東五十里

乾隆十一年里人捐賞重建輒應順治妙高院縣西

法善鄉人稱天師水旱祈禱冥陽菴即六年僧寂德大閏於山麓建冥陽菴妙高院西

慶間賜額後廢僅存小菴國朝修廢無考同治十

古蹟

年知縣韋登瀛 四大王殿 一城南隔溪 魚岱山殿得
 修葺遊僧住持 徐偃王廟 縣東隔 安樂王廟 改西社學今廢 三台
 寺 在含輝洞三台巖寺左拾級數百步為石船徑上
 日石船亭同治九年知縣韋登瀛重修記云遂邑萬
 山環繞一線溪流會不容舸有操一葉於奔騰湖泝
 中者不能受兩三人不得比於野航是未嘗有船也
 無船而日有船有船而實無船其惟石船乎夫長江
 大河艤艫巨艦風利不泊瞬息千里誠快意事而居
 其中者凝神危坐食息不泊猶以波濤為險沙磧為
 慮何哉踐履皆虛未登實地耳豈若是船巍然高聳
 於萬山之巔蔚然深處於林木之表登臨覽眺容數
 道人松濤在耳湍流在目如履坦途晏然而不驚乎
 道光丁酉前令徐鐵生觀察建亭於上書額以誌其
 事余後公十年宰是邑游覽及之輒以公盛德在人
 尺步繩趨望塵弗及為愧未幾捧檄解組邑復陷於
 匪去夏重葺又越十年簿書旁午未續舊游今年二
 月既望偕友重登見翼然之亭已頽然矣蓋陵谷變

遷得免劫火而不免風雨飄搖者勢也周廣文厚菴
 謂余曰去秋邀友涉覽以雨阻留宿山寺會紀以詩
 今君重葺斯土將謀修葺蓋紀以文因捐薄俸董匠
 經營并新觀察舊額以存其跡非但為登眺計也後
 之覽者以斯石為遂之不浪舟也可 城山殿 縣西四
 以斯亭為觀察之峴首碑也亦可 城山殿 縣西四
 今東嶽宮祈禱輒應里人黃煦誌其緣起謂吳僕射
 張公名珂集眾拒虛約有功後仕吳越拜工部尚書
 檢校員外郎歿後鄉民祀之額曰城山以眾志成城
 軍令如山也明嘉靖間改祀東嶽里人置產以資經
 費 雙峯塔 宋紹興壬子知縣朱 鍾秀塔 在奔山明嘉
 人朱姓 元魁塔 在湖山明萬曆十 靖十四年里
 建久圯 三年里人王姓建

龍泉縣

崇因寺 縣東金鰲山北外列七塔內峙二塔寺有宋
 山建樓三層鐘 崇德寺 縣南六 興善寺 縣南六 瑞相
 懸上層見金石 十里 十里

寺縣西七 惠力尼寺縣南 資聖寺縣南十里 邑令鄭奎光重建自為記

永福寺縣西二 三學寺縣西八 福海寺縣西三 性果寺縣西六 明寂寺縣西三 佑聖寺縣西 棲真寺縣東

里宋邑人真山民詩十載重游古鳳棲連營新繞綠楊堤欲談時事佛無語不管客愁禽自啼苔滑空廊妨散步塵昏老壁失留題僧家田地隣家道興寺縣

種菜甲春風綠滿畦按通志作鳳棲寺 道興寺縣 五十常樂寺縣東六十 安仁鄉乾隆二十六年寺僧蕩費寺產分僧房之半為仁山書院

寶林寺縣東六 普慈寺縣西四 慈福寺縣西九 崇仁寺縣南五 里即金沙寺五代時建有華嚴塔季達詩

寺縣南五 步步擁長林莓苔一徑深排雲雙塔迥昔日片巖陰瀑冷清禪骨茶香醒客心興崇聖寺 縣南六 淨覺寺縣西六 清修寺縣北三里 葉子奇詩翠微度禪房

窮詩未就風外一蟬吟通志 崇聖寺縣南六 淨覺寺縣西六 清修寺縣北三里 葉子奇詩翠微度禪房幽響發清磬雅稱觴詠娛初無筓

鼓競飛花送餘春杯酒傳雅明慧寺縣南六 慶恩寺縣南 令歸鞭裊清影皎皎山月映明慧寺 縣南 相嚴寺縣西

縣南 金繩寺縣南七 梵昌寺縣南二 集福寺縣西天台山下 妙淨寺縣西 興教寺縣南三

廣慈寺縣西 妙覺寺縣南二 法林寺縣西八 法嚴寺縣南六 禪智寺縣東 蜚溪寺縣南四十里 崇貞間行

兩房廊廡翼然東西有鐘鼓樓門外為大甯寺縣東 半月池前令李天植時至改名緣谷寺

里新興寺縣西四 多寶寺縣西六 香山寺縣南二 慧明寺縣西五 資福寺縣南四 聖安寺縣南七 崇明寺縣西

縣西四 妙智寺縣西六 廣修寺縣西七 廣嚴寺縣西 五里今廢 咸甯寺縣南六 多福寺縣西 法

二里 玉峯寺縣西四 咸甯寺縣南六 多福寺縣西 法

古蹟

三十五

慶州府志

卷之九

古蹟

三十五

慶州府志

興寺縣西十五里萬安寺縣南十五里慧福寺縣南六十里明教

寺縣西十里定明寺縣西十里隆教寺縣西三里淨聖寺縣西十五里

縣南三里無垢寺縣南廢禪覺寺縣東二十里生伸院縣南二十里

隱真觀縣西二里真常觀縣西四里合真觀縣西南十里演

慶觀縣西五里擲衣仙觀萬壽宮萬壽宮縣西四里唐乾元

歷二年重改曰大和元符三年詔改名奉靈聖宋慶

住持吳應能以符水遇徽宗賜號妙應先生出內帑

營繕偉麗倍前御書天甯萬壽之宮以寵異之建炎

中值國家多事悉罷之紹興七年改為報恩光孝宮

十三年詔平林塔在縣東即金麓叢林唐時僧於

復舊名

慶元縣

石龍寺石龍山下唐乾符間建宋寶祐元年邑人吳

隆國朝順治十七年重修乾天銘寺縣東象山下建

間重建明嘉靖間重修國朝邑人姚姓捐建後堂

姚鐸詩秋老山行悲落木黃花對酒一高歌蘿侵斷

壁題應徧蘇蝕殘碑字欲磨添水舊聞蕭寺鴿聽經

誰識遠公鵝渡江已舍津頭筏隔岸回看翠靄多

普化寺二都蓋竹宋天聖二年建慈照寺五都魏溪

建明正德間重建國朝乾隆二十九年僧廣灝重

修王錫俸詩溪迴路轉落梅香載酒尋僧到上方夜

雨灑空留薛荔春風拂岸柳添黃靈墟漫禮莓苔像

光廣福寺五都金村唐莊嚴寺六都蔡段唐中和二

子端造經藏明宣德九年建法堂景泰五年真乘寺

僧惠袍建鐘樓道光十一年僧悟本重修

六都山根宋淳化二年建明宏治十一年僧薦福寺

順輔重修國朝乾隆間僧普靜復建西樓

六都宋乾慈相寺七都中村唐淨悟寺七都隆宮唐

德二年建乾符三年建

安禪寺 八都橋頭唐法會寺 八都掬水唐太和二年

福新募修 國朝嘉慶二年毀三淨心寺 九都潘衙

年知縣魏夔龍改建槎溪水尾 淨心寺 唐乾符三

年分粒向山禽幻看鉢中影空傳磬外音茶鑪留我

處暇日多福寺 九都宋咸大覺寺 十都鷺峯下宋咸

更相尋欲識靜中趣來為野寺行空門諸品寂覺地

一燈明雨過草初茁林深鳥亂鳴老僧相指顧不解

有逢勝因寺 十都上際宋咸平三年寺傾吳氏後裔重

迎道外殿兩廊大門化成寺 十一都下際宋太平興

復建光九年僧志高 化成寺 十一都擡湖山宋太平興

年僧月明復修 覺林寺 十一都擡湖山宋太平興

修國朝康熙時燬雍正 天真寺 十二都拍渡宋

五年李昌發李應星重修 天真寺 咸平七年建 廣教寺 十二都

安寺 十二都葛田宋咸平四年建後 廣教寺 宋治平

間建 薰山觀 四都竹 萬壽菴 豐山門外崇貞五年邑

今廢 薰山觀 坑今廢 楓林菴 東阡明崇貞 國朝

康熙十九年修道光 楓林菴 十六年建 準提菴 阡

七餘年等復修 楓林菴 十六年建 準提菴 阡

桐山下順治四年李肇勳建賦詩以紀花雨纒紛

灑佛堂倚風修竹夏青琅溪流漸通閩海山勢層

層繞枯蒼背色求真黍法諦乘虛得靜見 萬松菴 縣

慈航何時共結蓮花社池上爭看五色光 雲泉菴 上

三里康熙二十五年余氏裔復建外廳大門 雲泉菴 管

建嘉慶二十五年余氏裔復建外廳大門 雲泉菴 管

司理菴 管勝隱菴 慶二年葉法良重建 道者菴 都

東陽菴 二都源隆菴 二都順治十七年邑 慶雲菴 二復

興菴 二都明嘉靖間建 國朝康熙 雨花菴 二都明

建烏石菴 三都百花菴 三都伏虎菴 三都元至元間建康

間僧心清隱菴 四都宋祥符間建 龍濟菴 四天堂菴

燈重建 順治八年僧重建 龍濟菴 四天堂菴

古蹟

三十一

五都明崇貞七年建嘉慶十四年
燬道光四年里人張振芳重建
建相傳馬仙飛昇處乾隆二十年重建五十八年
僧修道光三年住卷人毛姓砌築後嶺百餘丈普
濟菴 百丈山半嶺 山崗菴 七都順治
貞間 海會菴 崇貞間建 青峯菴 九都明天啟
建 十一 董菴 十一都 雲鶴堂 乙卯年延祐
明正統元年建 石獅堂 上福興堂 下管元至正元年
萬曆二年重建 一年重建乾隆六十年增建嘉慶十
八年火燬二十年吳恒魁等重建 福善堂 鳳十一
年明崇貞白蓮堂 四都明崇 淨信堂 二都
貞間重建 明崇貞 福現堂 十都 善應堂 十一
間建 都 正應堂 十二 集善堂 十二都 濟川行宮 縣南
都 正應堂 十二 集善堂 十二都 濟川行宮 縣南

宮 東阡上倉宋 馬仙宮 下管明萬
景定元年建 歷三年建 北斗宮 二都明萬
年 顯應廟 二都 拱瑞堂 縣治
建 王廟 東阡葉天師廟 東阡馬侍郎廟 東阡徐夫人廟 迎恩三
官廟 石龍山明天啟間 玄壇廟 石龍山巔明 吳判府
廟 二都 顯靈廟 三都 靈顯廟 二都 梵公廟 三都 馬真
仙廟 四都 神農廟 九都 白將軍廟 九都 東山廟 九都
阜梁 隆安廟 九都 竹口明 洋頭廟 九都 竹口康
橋上 隆安廟 成化間建 洋頭廟 熙五年重建

雲和縣
大慶寺 迎恩門唐大中二年建宋改為垂休禪院明
萬曆六年改名 國朝道光二十七年里
人海榕建有宋紹興四年銅鐘婺州華懷鑄鐘樓為
道光二十八年增建知縣伍承吉有重建記曰雲和

縣治東里許有大慶寺為唐大中二年工部尚書梅公捐建舊名垂休寺明萬曆六年知縣蕭洞重修改今名兵燹後傾頽殆盡邑人梅鏡堂藩參念宏規之不復懼祖澤之就湮思重建之即為首倡邑人應之始於道光丁未歲建大雄寶殿而大士閣以及鐘樓映宿橋先月亭相繼而起越七年工竣羣飛鳥革耀人耳目當是役之方興也邑中集捐不及千緡勢將中止鏡堂乃毅然自任期在必成迨歲事數及萬緡而鏡堂所捐幾居十之九有志者事竟成是即精誠之至通乎神明有莫之為而為者而豈必如流俗之所云故神其說哉抑又聞之邑中舊有三大寺之名曰大福曰大興頽廢已久而大慶寺自唐以來已闕千載頽廊碧殿巋然獨存則梅氏之遺澤長也寺既成鏡堂以碑文請余不文而深嘉都人士之樂襄善舉與鏡堂立頽之堅用心之苦其功為不可沒焉魏文瀛立春日登龜山憇大慶寺詩春色從東來游人向東道孤峯矗清溪一龜俯寒藻披榛躋其巔塔址埋荒草決皆寄遐矚俯瞰羣山好傳聞此龜靈山下出龜竇下山迷歸路迴繞溪中島壘壘瓦缶叢白骨半欲倒誰能保百年一見心慄慄感慨出前途古寺

鳴鐘早入憇鐘樓下梯樓塵畧掃一錢仙蹟遺幾字銘文考紹興甲寅歲婺州華懷造嗟予生苦晚好古志空抱雲溪多靈蹟志乘費搜討山塔與寺鐘一存一不保興亡物自然我何為物惱乘興恣游春莫使春光普光寺縣西二里唐清泰二年建有宋嘉定十老長入字款識七年鐵鐘門前一塔有信士王嚴壽有延掩扉頽垣穿鼠穴古壁上苔衣野曠鐘聲遠烟深增影微漫嫌歸路景德寺縣西十里唐大中初建有晚山月欲流暉景德寺元至順四年圓明普覺大田碑山巖寺縣北一里宋資聖寺縣西南十里長田彙紀稱宋景隆初建妙巖寺縣南五里唐興善寺縣考宋無景隆疑有誤西五里石清修寺縣西十里唐德二年建天真寺晉天福間建清修寺縣西十里唐廣因寺忽聽隣家報午雞候吏奔趨云具饌老僧跪拜請留題門前流水堪龍卧山後蒼松任延福寺縣鶴棲輪却禪林好風景獨勞王事走東西延福寺西古蹟

咸通二年建福海寺縣西三十一里大興寺縣南十里
 寶多福寺乾符元年建光化寺唐清泰初建普
 仁寺縣東六里周顯德五年建國朝康熙五十一
 年得之有嘉祐八年四崇德寺後唐長興間建惠力
 字見續括蒼金石志崇德寺後唐長興間建惠力
 寺縣東四十里唐景雲間建國朝順治間重修永
 福寺咸通二年建萬壽觀桂林橋北祀許旌陽
 國朝康熙間改為關帝廟別建於右同通龍巷頭趙
 治三年知縣徐冠徐熾烈先後倡修同通龍巷頭趙
 善菴三都西山菴二都章降菴七都天真菴金村外山菴靈
 右金粟菴一都教諭孫駕龍詩春三誰繼晉風流錦
 纜寺門舟底須絃管留殘醉剩有鶯花憶紫雲菴
 舊游坐久夕陽歸路晚一鈞新月上松楸紫雲菴

步雲菴四都院雲菴溪口嶺頭四應菴前溪山川壇之上嘉
 咸豐六年僧寶明重建陳治策四應庵詩清溪環一
 帶古刹梵王家徑曲因藤引牆穿藉薜遮老僧緜破
 衲欵樹點殘花寂寞梅山菴五深居菴深菴海
 存真境衰哀日未斜梅山菴五深居菴深菴海
 雲菴六都並在松雲菴高野菴龍女菴淑雲菴
 舒雲菴七都泗洲堂大石橋頭善慶堂大街雲水堂北華
 陽道院觀音閣福勝廟舊在黃溪洋宋瀆熙間
 熙四年賜額有勅牒碑相傳廟祀唐武甯侯梅瑒嘉
 得復祀於黃溪之上國朝道光四年邑人就其地
 創呂祖廟移建於元壇廟九都梅端公廟山巖陳侯廟
 後碑文見金石元壇廟九都梅端公廟山巖陳侯廟
 五吳都錄廟二都天師壇六都培元塔在龜山道光九年
 雲和縣寺觀

宣平縣

普照寺 縣西北一里唐會昌六年建明成化十年僧
 國朝康熙二十六年僧嘉靖七年僧守良募建大殿
 空翠募捐重建按兩浙金石志寺初名福田宋祥
 符元年賜額有敕賜金山寺至順元五年元隆福寺
 普照寺碑見金石
 縣西雲巖寺 縣西五里元烏巖寺 縣東二淨妙寺
 三里明成化清修寺 縣東十五里梁大同三年建明崇
 八年僧重建清修寺 貞問住僧修葺 國朝康熙三十
 八年僧見文重建五十五年僧覺亮多寶寺 縣北十
 造觀音堂道光六年十九年造修晉天福間建
 熙三十八年延福寺 縣北二十里石晉天福間建
 年重建兩廊雍正八年乾隆十三年慶恩寺 縣北三十
 音閣兩廊雍正八年乾隆十三年慶恩寺 縣北三十
 年僧通茂定明屢修舊有六景慶恩寺 縣北三十
 建國朝康熙三十七年僧覺文裝塑佛像 妙果
 照重建大殿乾隆十七年僧覺文裝塑佛像 妙果

寺 縣北十五里元慈仁寺 縣北四十里唐梵天寺 縣
 十里元延悟真寺 縣北四十里後吉祥寺 縣東五十
 元年觀音寺 縣東北二十里明三元寺 南門外康熙
 建福海寺 縣南三十里宋大清平寺 縣南四十里眾聖
 寺 縣南六十里唐妙善寺 縣南五十里崇濟寺 縣南
 咸通二年建
 銘智寺 縣南六十里唐天澤寺 縣南七十里萬安寺
 縣南六十里宋梵興寺 縣東六十里棲真寺 縣東七十
 紹興四年建
 今廢西巖寺 縣東五清甯寺 九都康熙二十九年冲真
 觀 縣北五里唐葉法善捨宅為之初名宣陽後改冲
 真宋政和間道士吳慧淳上劍履勅重修明崇貞
 邑令金之鏐修國朝嘉慶十一年乃重建前殿道士
 邱明淨住觀稍補葺之二十三年乃重建前殿道士

蒼彙紀載煉丹井銅鐘尚存按鐘鑄於大曆十二年
 縣志載卽括蒼金石志所稱宜陽觀鐘也並詳金石
 已復觀卽詩悵望冲真隔水西緣楊深處一鶯啼花
 教諭俞介詩悵望冲真隔水西緣楊深處一鶯啼花
 間掃席開新宴壁上揮毫續舊題丹井已隨春草沒
 玉驄猶向夕陽嘶乾坤俯仰成今古只合山中辟穀
 棲報恩寺縣東五里元至元妙真觀縣北三里元紫
 陽觀縣南五十里元齊雲觀縣西北十里元雲居菴
 縣治西明崇貞間建嘉慶五年水漲菴西溪菴西溪
 北治三年鄭成賢等重建粟坦迤山下祝村勝蓮菴西
 順治八年水月菴縣西大溪順來隱菴縣西勝蓮菴西
 年福緣山國朝順治間始建後有僧岳從容菴卽
 鴻結菴道光十八年僧真觀重建山門
 崇貞間建慈愍菴縣北三里順治四年重建嘉慶
 道光十八年俞思興林菴縣東北均建明朝陽菴縣東
 忠等重修大殿

五里明崇月松菴東北劍履菴縣東三里相傳葉求
 貞間建廣福菴王弄明崇延福菴梁村康熙元年建
 淨菴村廣福菴貞間建延福菴四十八年僧海禪
 修清甯菴梁村里人雲峯菴縣東新嶺里白雲菴東
 南二十三港菴縣南三港康熙間貯德菴入都康熙
 五里廣福菴縣南二里明貯德堂四十年建乾隆
 寂真廣福菴崇貞間建貯德堂四十年建乾隆
 重人蔡廷集善堂縣南五里元感應堂拱北門外
 元重修集善堂縣南五里元感應堂拱北門外
 建珠琳堂縣南六十里元甘露堂項灣明崇善應堂
 縣北六寶臨堂縣西北五里善豐堂縣西八里明卧
 十里雲閣縣西三十清源宮縣西章侯廟老竹宋清源
 真君廟縣北晏公廟縣後坊順治樊侯相公廟縣北
 五里

里 金鐘廟 縣西一里明建 竹峪廟 宋大觀四年建 梁太傅廟 梁

白馬廟 山下馬夫人廟 前灣 虎神廟 均塘 石塔 在縣西三里 始建無考 高

級七

景甯縣

金仙寺 縣西隔溪一里創自唐貞觀間 宋咸平元年

浮圖於寺左明崇貞二年修 改鐘樓有銅鐵二鐘

國朝知縣李春榮宣麟胡述文李文熊鄭邦漣先後

興修咸豐間鐘樓圯同治十一年塔頂焚墜十二年

知縣周杰修葺重建前殿潘琴詩少年湖海憶仙關

解組重游鬢已斑對竹最宜當戶月登樓尤愛隔溪

山不探物外烟霞趣誰識靜中天地寬閱世已無塵

土夢杖藜甯清修寺 縣東五里張村唐咸通二年建

憚日盤桓 趙文敏書額久廢 國朝乾隆九年師輔

捨田碑舊有趙文敏書額久廢 國朝乾隆九年師輔

縣黃鉅重建鐘樓道光二十七年改建正殿軒廡以

次與修 按清修寺心經鐘元天 惠明寺 縣東十里

歷時鑄不載寺名見枯蒼金石志 惠明寺 惠嶺唐咸

通二年建久圯 國朝嘉慶十九年僧源來重建正

殿齋房同治四年僧端岳造後堂左右軒並修山門

前澄照寺 縣南二十里唐咸通二年建明成化六年

殿焚燬寺僧次第建造正殿兩廊前殿潘琴詩一出

衡門百慮寬烟霞穿盡到禪關 松蘿虬結攢新翠棟

宇翬飛改舊觀嵐氣著衣晴似雨 山風醒夢 普福寺

暑猶寒小窗獨坐清無比 莫怪閒雲久戀山 普福寺

縣北十五里油田唐乾符二年建 普福寺 國朝嘉慶初燬

於火寺僧次第建復 按油田普福寺心經鐘至

元四年鑄 普覺寺 縣北四十里元大德間建 國朝

覺復修寺前有石塔俗稱塔頭寺按舊志載宣德元年建另列時思菴亦作宣德元年建縣志並無是菴今照縣新志登載隆興寺縣南十里普化寺縣南九十里並刪復列之時思菴

元年建國朝三瑞菴縣北七里宋萬安院雁溪金

道光間重修仙巖菴儒學後右超果菴演武場後碧苔菴縣西

錫菴縣南溪棲真菴距惠明寺里許僧永相建

僧覺空建祥雲菴縣南救木中隱菴縣西三里

日南泉第一峯同祥雲菴山久廢上堂菴四都盧公菴石

治十一年改建明宣德大隱菴縣南二十里明上堂菴四都盧公菴石

九年建碧村有銅鐘國普光寺五都居保堂五都崇安堂黃同

朝同治四年重建魏衛堂四都光孝堂四都觀音閣中村

五都標明照堂秋廬武安王廟縣北莘嶺知元壇廟縣西

縣西二普明閣三都武安王廟縣北莘嶺知元壇廟縣西

十里英村

錢山

冢墓義阡附

百疊青山一杯黃土名賢墟墓錯出其間過其地者

慨想衣冠追思劍履臨風憑弔油然敬生按籍以稽

不第侵軼宜防樵蘇是禁也

麗水縣

梁詹司馬墓縣西南三十里即梁時開通濟堰者唐司馬陳松墓縣西南

十二里琅其山下松宋郡守劉大中墓縣北白雲山

郡人乾符二年卒處州卒通判高岡墓中山孝子陳茂元母倪氏墓縣

遂葬焉三十里少師尙書梁汝嘉墓十八都石侯村縣志案周

必大梁公神道碑汝嘉葬

慶州府志

卷之九

古蹟

四十四

松陽惠洽鄉茲章太尉祖墓縣西南三十二里沙溪

從枯蒼象紀吳村太尉名德安吳越

時家此祖宋孝子周智墓縣學東縣志稱今縣學為

彙紀均稱在府學東係誤宋給事王信墓十六都保

沿按曹志亦作府學東撰誌墓妻郭永嘉戴溪贈太師何偁墓在縣西五十

碑誌詳枯蒼金石志章思廉墓地名眉巖在元教授鄭謹之

墓在縣治西元處士祝子和墓在縣東二十里靈鷲山

元處士葉元灝墓在喜康鄉上黃元處士黃許墓在葉

士趙友桂墓在南明山元孝子祝大昌墓在縣北十五

墳明縉雲伯胡深墓縣西五里刑部尚書吳公達墓在縣北十五

寺右禮部侍郎吳政墓縣東十五里望城尚書薛希

璉墓縣北七里有尚書俞俊墓縣南五里翰林金文

墓在九里父愷弟忠參議鄭宣墓在望城刑部主事張

敦復墓小枯蒼榮府審理正戴鏗墓麗陽原贈太

僕寺少卿王敦儀墓城北八里知州葉會墓巖泉門

明南陽郡侯葉琛墓在縣西四十里福建副使汪瑛

墓在漕塘通判高岡墓在巾山太僕少卿張敦仁墓在三

樓雲南參政何鏗墓在喜康山總兵盧鏗墓在白雲

常卿呂邦耀墓在蘇園南光祿寺卿王一中墓在壽元

路公參將續蒙勳墓在巖泉門外黑橋莊

國朝處士錢銀墓在望京門外武義教諭徐望璋墓在

泉門外府經歷方溥墓行春門外弓岸縣志載江西楓樹岡 府經歷方溥墓人咸豐間任經歷十一年粵匪陷松遂知府李希郊戰敗不屈死溥聞為位以哭人勸出城避寇曰避將何之遂整衣冠繼於萬壽宮因葬於斯邑紳王宗訓楊世環吳德馨王如知縣吳辰王庭芝於賓興項下稟撥田畝以供祭祀 爾慶墓在巖泉門外堰古張孺人耐邑人鄭以德記已未捧檄來括自戊午陷賊瘡痍滿野公下車休養生息以愛人為務民咸戴之庚申賊竄省垣郡城戒嚴捐餉辦團令甚迫公軫念民艱不忍厚斂忤當事意遂解任明年賊踞處郡挈眷避青田之九都又明年賊退公歸時疫大作妻子病歿公病遂劇歿後邑紳諸葛翊王國秀經紀其喪國秀復慨助葬地殯公與孺人於東門堰古之原事竣諸同人曰吳公賢侯也遭時之難賫志以終不釀金為掃墓計越數年必蕪沒於空山矣議未行適邑有私售賓興田者事覺贖回因具稟於府撥若干畝為公祭田蒙批如議行乃集同人輪值經理司其事者予與諸葛翊王經趙克儉王宗誥許一鈞王宗訓王國秀也

青田縣

唐縣令朱匡墓縣南五十步教場巷側案通志匡京兆人光啟間令勤吏事卒官民不忍其喪去留葬舊治 大理評事吳照墓麗水人在宋衛前子孫居此守塚 國公項公墓縣西五里石佛山 開國男蔣繼周墓孝宗勅葬福延寺後 中書葉謙亨墓隆興二年勅葬錦屏山 開國伯鄭汝諧墓開禧元年勅葬海 神童李申泉墓縣東百步東郭倉前 開國男陳希點墓嘉定二年勅葬慈明山 按撫陳汝錫墓名雙鹿地 節度使陳適孫祖墓縣南十里大蟠龍山 元處士贈迪功郎王夢松墓在浮弋山中 誠意伯劉基墓在九都夏山黃伯生劉公行狀洪武八年三月御製文一通遣使馳驛送歸鄉里居家一月而薨子璉仲璟以是年六月某日葬於其鄉夏山之原娶富氏封永嘉郡夫人繼室陳

氏章 中丞陳詔墓縣東竹蓀山 誠意伯劉瑜墓嘉靖間勅葬入都黃

坑明邑令李應祚墓趙山門外

縉雲縣

隋戶部員外梅護墓縣北郭外 梁尙書潛佶父子墓在潛溪

唐道士劉處靜墓仙都山 陶孝婦墓在孝墓 進士沈師直

墓復鶴山 吳興郡公金紫光祿大夫施史君墓黃龍山 宋

國子博士陶常修子金紫光祿大夫樞密陶德週墓

十都大后舊志作陶德遇照通志縣志改正 銀青光祿大夫封河南郡公

趙期墓十都雲塘 開國公趙順孫墓縣東南二十里縣志作參知政事縉雲郡

公有元黃潛撰阡表見碑碣通志作資政殿學士 銀青光祿大夫詹適墓縣東

八奉直大夫陶士渠墓九都香爐山 宮講朝散大夫黃邦

彥墓岱嶺山 尙書潛說友墓縣東十里 經筵檢閱盧壽墓

在縣東二十七都東窰 縣令鄭桂墓仙巖寺後 明贈刑部侍郎李瑀

墓縣東桑潭 刑部右侍郎李棠墓縣三里街東 孝義陶海陶璽

墓九都龜山 兵部侍郎虞瑤墓紫金山 僉事徐善墓翠微山 參

政樊敬墓五都日雲湖 旌孝陶標父子墓十都瑤安山 左布政

李寅墓縣南鈞臺後 僉事周儀墓十二都翰林院庶吉士周

府伴讀趙曾墓在二十四都官宅莊 贈副都御史周瓘子太子

少保周南墓十一都 潛德處士贈一品鄭文奎墓十五都螺

巖蠅 參政樊獻科墓在大筠萬安 參政李鍵墓十九都儒岸 兵部

侍郎鄭汝璧墓十一都刑部尚書李鋹墓十八都謝

卿徐光榮奉勅造葬謚貞肅通判丁如皋墓二十都廣文鄭思齊墓

十九都推官李賁墓十二都縣丞鄭日強墓十九都世襲

錦衣衛千戶鄭士宏墓十九都知縣吳明道墓二十都文

林郎李佩墓十一都雙節趙母陳氏梅氏墓在永甯寺側蓮

國朝孝子李載奇墓在二十二都福建鹽政丁國華墓

在七都劉山莊太平頭

松陽縣

王將軍墓縣西三里唐有道先生葉國重墓縣西宋

直秘閣謚安節程榆墓在南洲福安寺側陳貴誼撰銘宋廣東西路

廉使程樟墓在半紫山梁明道士潘自然墓在雲巖山下

明進士盧璣墓在項村叅政詹雨墓在官溪郎中毛文邦

墓在項村明貞女張玉娘墓在縣西南一里詳列女

國朝知縣王洪序墓四川人嘉慶初年卒於任在城北望松禪院西知縣何仁

杰墓江西人同治元年卒於任在南鄉南坑源內典史鄭士廉墓江西人同治元年卒於任在城

典史滑長齡墓直隸人同治四年卒於任在天壇前典史婁德鎮墓

直隸人同治元年卒於任在望松禪院西子長治同

案程榆以下曹志不載照通志補列王洪序以下照縣志登載

遂昌縣

宋朝議大夫張貴謨墓西門外鳳山之陽太常寺丞周述墓

十七都香嚴院後敷文閣待制周綰墓十七都香嚴院後處士尹

起莘墓縣西四十里西翠明處士朱子堯墓盤溪碧秀嶺處士朱

應鍾墓湖山濂塘兵部侍郎贈尚書應禎墓縣西北四處十里勅葬

士包志伊墓唐山叅議周德琳墓十二都馬突山封南城兵馬

指揮朱可汪墓香嚴院後叅政吳孔性墓十八都麻陽叅政鄭

秉厚墓五都寶山口贈太常寺少卿鄉賢項森墓縣北五里東門

都給事中項應祥墓村東門村左叅議翁學淵墓南門外

新菴處士包萬有墓十六都紫川徐節婦王氏墓縣南

龍泉縣

五代農師季大蘊墓在縣境五代兵荒之後民艱稼穡戴其恩吳越表

其墓曰農師刺史瞿正墓白蓮塘上宋太常丞周啟明

墓冲和先生吳猷墓贈太師衛國公何惟則墓

係何執中曾祖贈太師魏國公何咸遂墓係何執中之祖十五

十七都泰溪都兗贈太師冀國公何君平墓係何執中父贈太子

少保管慶河墓濟川橋西贈太子少傅管文瓚墓下坊龍

圖閣學士何琬墓十七都桐山徽猷閣待制葉濤墓龍

圖閣學士季資墓十六都桐山橋頭侍郎季陵墓十七都宏山侍

郎張志立墓白蓮塘後員外郎鮑慎由墓二都溪塢郭洋司封鮑

彪墓三都苦竹園參知政事何澹墓十五都侍郎

季南壽墓十五都尚書季可墓十四都侍郎鮑慶墓

石佛堂十七都司業張洙墓十五都侍郎季鏞墓八都開封

府少尹張著墓南隅觀知府張溥墓十七都知府季

顓墓十四都董轉運判官張商卿墓十五都提刑姚

恪墓三都金提刑陳塏墓七都鴻臚寺丞葉膺墓

高浦十七都知丞張希亮墓十九都知府章公權墓 知

府連元墓九都卧雲先生管師復墓東隅白雲先生

管師常墓十八都清源郡王何執中墓十五都元處

郡守石抹宜孫墓十都雲樵先生姚榮墓二都鄭處

士王毅墓十都怪婺州路教授季仁墓二十二都處

士章格墓在古章遇孫墓縣西明中丞章溢墓七

橫溪橋頭巴陵簿葉子奇墓二十都大縉雲郡伯胡深墓

鳳山下參議徐道正墓 主事趙圭墓俱二十封給事

中葉鎡墓在縣西布政使葉浦墓十八都孝義女

瞿端墓西相

慶元縣

唐馬仙墓在六都百丈山前有古松一株俯

陳嘉猷墓九都伏狀元劉知新墓五都慈大理卿吳

崇熙墓下都金經畧使胡紘墓在黃明主事吳杰墓

下管御史吳瑁墓四都大坑通判吳伯齡墓五都金村推官吳潭墓下管大濟孝子季叔明墓七都中村貞女葉養姑墓大濟坑兒

雲和縣

唐工部尙書梅系墓在沙冷橋頭南園唐武甯侯梅瑒墓在

西八里柘野梁都錄吳瑞墓在縣西四里貴溪前巷宋進士柳

榘墓縣西角山宋兵部尙書陳侃墓在縣東五里睦田東岡宋大理

評事王抱墓在縣西十里洋背宋常州通判梅守卓墓在縣東七

里獨嶼宋侍御史梅杞墓在縣東七十里大杉源山宋太常博士

梅文墓在縣南七里東塘宋縣丞梅一飛墓在縣東一里月山宋知

縣柳寬夫墓在縣西二里角山墳記尙存朱信州知

府何潤墓在縣東三十五里石塘嶺成順源宋戶部侍郎何處久墓

在縣北十五里石富華奴源宋倉部郎中何處信墓在縣東四十五里張村吳

山元邵武同知柳應龍墓縣西角山元閩清縣尹王挺墓

在縣西一里角山元縣丞王嚴墓在縣南二里吳山明廣東布政使

陳宗銘墓縣北後厓常州同知柳景府墓縣北五里花嶺山東副

使沈暎墓在縣東十五里鴛鴦塘明錦衣衛顧勤墓在縣東四里陳莊

明祁門知縣顧均得墓在縣東四里石塘營盤明上林苑監丞

王存誠墓在龍山白明知州陳琦墓在縣西十五里臨海鋪明教諭

顧梁墓在縣東四十里平地新處後明訓導顧滿墓在縣東北五里泉溪巖

塘明贈清吏司王天秩墓在龍山明廣西僉事王一卿

墓在縣北三十里明教諭顧伯視墓在縣東四十里明教授

王一邵墓在縣南七里明教諭顧可望墓在縣東四十里塘河底

明體泉知縣梅文光墓在縣北八里明訓衛梅靖真

墓在眠犬山壙記尙

案雲宜景三縣明景泰間始析置以前人物事蹟應列麗青二邑志惟古蹟冢墓各有定址三邑所載唐宋時冢墓就地指名未為不合內有載冢墓而人物無名者事等闕疑悉仍其舊

宣平縣

唐贈欽州刺史葉慧明墓縣東唐越國公真人葉法

善墓東隅仁烈侯章承趣墓 忠義俞強墓 宋丞

相鄭睿墓在金村參議鄭通墓 忠義蔡子昇墓

丞相余太師墓桃溪侍郎蔡景祐墓姜弄大司農蔡戩墓

東坑少師梁汝嘉墓祖坑按麗志載墓在石侯村

口惠洽鄉此稱祖案周必大梁公神道碑在松陽

坑當是誤復主簿梁孚將墓老竹狀元蔡仲龍墓官橋

參軍蔡伯尹墓清平寺後大農丞梁安世墓楊嶺脚隱士朱

子仁墓 統制鄭朋墓 參議鄭嘉遜墓前伏虎禪

師墓臺山下元學士鄭君錫墓 明安遠侯蔡紹伯墓

在石鎮撫梁淬墓戴墓坪御史徐曰仁墓湯山知州戴子

嚴墓桃山御史潘湘墓在武邑知州梁鏞墓在東金山前

知府陶岳墓石磊山兩淮鹽運使陶質夫墓在陶村刑部

主事楊景和墓 監察御史吳厚墓在吳村禮部觀政

俞大有墓 知府吳伯閏墓在吳宅知州潘滋潤墓在灣前

國朝孝子陳鼇升墓在小妃

景甯縣

宋員外郎潘特竦墓縣南五里宋孝子潘惟德墓在縣西石牛山

東麓宋國子學錄湯驥墓縣東北明縣丞梁以孜墓在縣南

興化府知府潘琴墓縣南苞鳳山布政使李琮墓在縣北

副都御史李璋墓在嵐頭光祿寺少卿李錞墓在嵐頭陳

貞女墓在縣南十里俞山

國朝吳從謙墓縣南半月山縣志作疑誤 縣尹葉天芳墓在半

桃灣 縣尹包景星墓在縣東張村後洋圩

義冢附

麗水縣義冢十二一在縣東北五里宋嘉熙四年州守馬光祖置一在縣東北五里堰古明

成化十二年知府韓裴置一在縣北四里天甯寺西

嘉靖四十三年知府張大韶置一在縣北十五里望

城嶺下嘉靖四十四年知縣吳梓置一在縣北十五里

郡厲壇側嘉靖四十四年教授陳曾置一案以上五

處彙紀屬之漏澤園別標義冢之目考宋崇甯中令

州縣以常平錢置漏澤園葬死而無歸者即今義冢

也故不立二名云一在巖泉門外一在縣西三十里

資福塋廣袤五里始置之年俱無考一在城東十五

里上岡背 國朝道光二年知縣田瑞庭置一在城

東十五里望城嶺道光初署知府鄧廷彩置有知府

李蔭圻記一在縣西南五里呂步坑酸梅岡廣十畝
道光十九年知府清安勒碑永禁墾種一在通惠門
外西山土名八繳地廣三畝六年知縣劉錫形置
附瘞骨塔一在縣東巖泉門外邑人黃庭經項之梁
鄒汝琛李聯芳等捐造一在縣西四十里
碧湖里人林
永年捐造

青田縣漏澤園一在縣北
金田嶺

縉雲縣義冢三
一在東鄉二十五都壺溪天后宮後一
在五里牌山道光十八年呂凱旋捐置

湖川大路街
漏澤園一在縣北
岱嶺下

松陽縣義冢九
平山一在北門外太保廟後一在甘露堂後一在
新寺壟一在都二圖獨山後一在三圖蓮社頭
一在三圖夫人殿後一在十九都一圖黃泉頭
漏

澤園二
一在縣東四里菱湖地
一在縣東地五里王村

遂昌縣義冢十四
一在碧瀾橋南蘇塢一在二都上塘
一在小馬埠麻車轡一在六都馬

岡山一在四都黃墓地一在十九都坡塢弄內片一
在西門外上石亭缸窰一在馬埠大橋頭一在十八
都白殿上一在橫崗大旺一在南門外大瓦窰一在
上旦源黃麻洋一在七都馬頭莊一在北門外蕉川

漏澤園三
一在朝天門外一在碧
瀾橋南一在二都上塘

龍泉縣義冢四
壇一在縣南三里金沙寺前一在縣北厲
趾一在縣西三里黃發攔一在七都

大垣

慶元縣義冢九
一在社稷壇右一在濟川門外大濟嶺
一在豐山門外光面山一在薰阜門外

瓦窰山一在安定橋上官陂頭一在四都鐵山廟一
在城內上倉樟樹坪一在竹口西北一在竹口東南
伏石
關下

雲和縣義冢十一
一在坊郭桑園行罡壟二區一在縣
西南一都上畷一在縣西南二都社

壇一在縣西三都寨均頭一在縣南六都撥孟墩一在縣
 在縣北五都黃洋圩一在縣南六都撥孟墩一在縣
 東南七都破店路下一在縣東北八
 石門口亭下圩一在九都下末圩
 鳳山
 右

宣平縣漏澤園二一在東隅
 一在北門

景甯縣義冢二十七
 一在張村一在包山一在葉源一
 一在縣北十里外卸一在縣北外卸

卽儒學義阡一在包岸一在雪水一在鮑岸一在佛堂
 坑一在盧西坑一在大順口一在蔡鮑岸一在葛山一在英
 根一在大均一在徐村一在沙灣一在葛山一在英
 村一在秋盧一在中村一在芎岱一在葛山一在英
 標一在黃桐排一在程田一在芎岱一在葛山一在英
 舊志載漏澤園十有九景甯新志並稱義冢不另標
 漏澤名目今照
 縣新志登載

處州府志卷之九終

